


# EKANYERYO

 . . . esomelo ya Masu. Wa okokhorela woomaliherya, mwaha koovekelenly'akani wira nvenye. . . Awo yoopaka *Epantera Yooratteliwa Ni Ettheneeri*, munnivenya. Khamunvenya? [Muthukumano oniira, "Ayo."—Mol.] Vano ankhi wa Masu a Muluku? Nlo nttittimiho. Vano Muliivuruni mwa Okhuma, kapiitulu 12, opacerya versiikulu 12, kintthuna kisome epantte ya Yoolepwa, versiikulu 12 ni 13.

*Maana kinoovira muttethe wa wEjitu ohiyu yoola, kaaivakase. . . anamwane apacenrye oyariwa muttethe wa—wa wEjitu, aana a atthu ni axinama; ni. . . kinimwiira ehukumu: Miyo k'APWITYA.*

*Nto ephome enrowa okhala ekanyeryo wa nyuwo itthoko sinkhal'anyu; nto koonaru ephome, kinoovira vasulu vanyu, ehasara yo ohonona ehoophwanyeni, okathi onrow'aka ohukumu elapo ya wEjitu.*

2 Mwah'aka t'ula: *Ekanyeryo*.

3 Nrowe nuurame muru ahu vano. Nto mwa emaalelo Awe ya okathi ula wooreerihwa, nihinatthi omwaattamela Yoowo ni mavekelo, yookhala yoovekela emosa mwaatthun'anyu wira Muluku aakhule oxekuw'ola? Nvenxe matata paahi mwaarine-ene, ni muupuwele vathi mmurimani mwanyu entthun'anyu wira Owo aire. Khula nipuro mpaani mu, muupuwele paahi entthun'anyu wira Owo aire.

4 Tith'ihu a Wirimu, Nyuwo mwa Muluku ohinrukunuwa, nto hiyo ninvekela wira Nyuwo mwaakhule mavekelo ahu, oxekuw'ola, niva—nivarenle-ene matata ahu. Ni Nyuwo munniweha wira matat'aka aavenya, nave. Ni yoovekela aka, kinoosuweliha v'atthuni, ekhanle, Pwiya, wira Nyuwo munvonihe khula mutthu mu olelo, mmoopole khula mmosa orimenle. Vano, Nyuwo moohimya, "Mwaavekela-ru Atithi etthu p'itthu, mwa Nsina Naka, Miyo kinimwiira." Vano, Pwiya, munikhaliherye vamosa waamini ntoko atthu oowiiraana, a aana oowaamini. Mulavule mwa Masu Anyu, Pwiya. Masu Anyu ti Ekeekhai. Mureerihe mirima sahu.

5 Hiyo ninnooxukhuruni mwaha wa muthukuman'ola. Hiyo ninnooxukhuruni mwaha wa Munna Grant, ni w'anamuteko awe othene, ni ikereja sothene n'atthu. Ni wa sothene Nyuwo munniirel'anyu, Pwiya, hiyo ninnooxukhuruni. Tithi, siiso akhanle-ene anci-ene a hiyo va ahinrowa woonana-tho mmosa ni mukhw'awe vano, mpakha woonana epantte ekina. Ola pooti okhala muteko wookiserya w'okokhorela onrow'ahu okilaathi vamosa elapo ela. Eroho Yowarya erwe ni enireerihe vamosa, enivahe soothuna sahu. Mwa Nsina na Yesu ninnivekela. Amen.

## Mukilaathiki.

<sup>6</sup> Kookhalana nipattuuxa na epaphelo va, koolepa Soolempwa kamosa-kamosa ni itthu sikhaani. Yaaniireyaka wira kaaniweryaka wuupuwela mmuruni mwaka, masi kooviriha miyaakha miloko miili ni mithanu, moosuwela, eyo ti, emaara ya nenli. Vano nto nkinuupuwela ntoko siirak'aka, ni anci-ene oovitikanyeya mmithukumanoni ni itthu, ni waatta so wira.

<sup>7</sup> Mwah'ahu oxekuw'ola ti: *Ekanyeryo*. Yookhumelela ahu entthukuwa wEjitu. Eyo elatarato yuulupale va vano, kintthuna wira nyuwo othene moone ni mukhale oottittimiha ntoko sinwery'anyu. Ejitu ti nipuro na yookhumelela, ni okathi wa yookhumelela vekeekhai ti woopaceryani wa okhuma.

<sup>8</sup> Nto, vano, eyo t'ithooneryo y'olelo, yo wooniheriwa, okhala wira hiyo ninkumana-tho ni okhuma okina. Muluku amukumihaka Isarayeli wEjitu, orowa muttette wa natiri, yaari ethooneryo ya Kristu amukumihaka Mwaakameliwa mukereja, amuroihaka Muttette wa natiri. Hiyo nri mookhumani okina. Vano nyuwo mwasoma Soolempwa, hiyo nrina okathi paahi w'ohimya mapuro maalupale a yeeyo, eyo ekeekhai. Hiyo na e...Ntoko Muluku saakumiheny'awe nloko nimosa, ota wa nloko nimosa, Muluku onoomukumiha Mwaakameliwa mukereja. Mwaakameliwa onimwiihaniwa okhuma ikereja sothene. Onrowa okhala oothanliwa a Muluku, onrowa okumihwiwa. Ni hiyo nri vakhiviru wa okhuma weiwo naanaano va, maana nihaana eyooniheryo yothene ya Yoolempwa wira nimphwanyaneya vaavo. Vano, koosuwela wira ennihimmwaka imaara sinci-ene, masi, mpatthani aka, okathi uwo enoohimmwa emaara yookiserya. Okathi onookela mwa Ohimala. Owo onimoorwa omukumihaka Mwaakameliwa Awe mukereja.

<sup>9</sup> Ekanyeryo ti yaari ethu yaakhalihia ovirikana varyari va Ejitu ni Isarayeli, maloko maili. Awo othene yaari atthu, masi othene oopattuxiwa ni Muluku, othene muteko wa ntata na Muluku, masi, evirikanelo aya okathi wa ehukumu yo okhwa yaaviraly'aya, evirikanelo ya ekumi n'ukhwa yaari ekanyeryo.

<sup>10</sup> Nto siiso onookhala okathi w'orwa wa Mwaana a Muluku, okathi Owo onimukumih'awe Mwaakameliwa mukereja, evirikanelo enrowa okhala Ekanyeryo. Vano, nwiriyane saana oxekuw'ola, ni moone eyo yahaakhanle ekeekhai. Ekanyeryo t'enrowa okhala evirikanelo. Ehaana okhala evirikanelo.

<sup>11</sup> Muluku onoorowa olamula olumwenku, nihiku nlo. Vaakhanle wira kaakoha aKatolika, "T'ani Owo onrow'awe olamula, Owo onrowa olamula olumwenku n'ixeeni?" Awo yaamwiira, "Ekereja." Ekereja xeeni? "Ekereja Katolika." Ekereja Katolika xeeni? Sookhala sinci-ene sa seiyo. aMetotista yaamwiira, "Ni Metotista," aPatista weeso ari ota. Vano, mwalamula ni ekereja Patista, sothene saya sikina sinookhala ota. aPentekosite animwiira, "Ni ya Pentekosite," vano

sikina saya sinookhala ota. Moone, waamukhala otepanyeya, otepanyeya wunci-ene, otepanyeya muupuwelo vanci-ene, wuupuwela etthu ntoko eyo.

<sup>12</sup> Masi Muluku aahikhalana enamuna va Owo aahimaly'awe wira aamurowa olamula elapo, kahi ni ekereja Katolika, kahi ni ekereja Prustante. Masi Owo onrowa olamula olumwenku ni Yesu Kristu, nto Yesu ti Masu, tivo eyo entthikela-tho mBibiliani. Munnona? Owo onrowa olamula olumwenku ni Bibilia. Nto Bibilia ti Eliivuru ya olamula wa Muluku, yeeyo ekhanle wiisuupulula woomalela wa Yesu Kristu, wira khiivo etthu ekhanle wuncereriwaka wala etthu okumihiwa mwa Yeeyo; ehukhumu yo wira yeeyo, enkhala nsina nanyu okhala ota w'Eliivuru ya Ekumi. Mukhale paahi muhina mw'Eliivuru, ni munvekele Muluku wira anikhalihe mpantte wa Yeeyo.

<sup>13</sup> Vano hiyo ninnoona wira, ekanyeryo, ekanyeryo exenii? Ekanyeryo ethoonyeryo ya ehisapo elinvwe, ekanyeryo t'ekhanly'aya. Ntoko iphiro sahu sa xipooro ni akarera, hiyo ninookuxa musurukhu ahu khurowa oxitasawu. Vano, moone, mmapuroni mwa karera khontthunihiwa-mo, mapuro ikanyeryo sinrumeeliw'aya, khontthunihiwa okuxa musurukhu. Awo khakhanle okuxaka musurukhu, enkuxiwa ekanyeryo; wira, matteeke, etthu p'itthu ekina. Nyuwo munoorowa nipuro nimosa, nipuro n'othuma, khuthuma, ni musurukhu anyu, ikanyeryo sinci-ene, ekanyeryo khata ela. Nto ekanyeryo ela t'ithoonyeryo wira ettikitti anyu yoolinvwa. Muhaana ehakhi yo omuwela paketi, owela mmuttekeni, owela mukarerani, wala etthu p'itthu, vakhalaru wira muhaana ekanyeryo wira mooniherye wira wawinyu—wira mukwah'anyu woolinvwa. Vano muupuwele yeeyo. Muhiliyale.

<sup>14</sup> Mwaapwittipwitthi iiviwe wIsarayeli aari e...yaari yoophavela ya Muluku. Yehova aamphavela mwaapwittipwitthi oowiiwiwa, muranttela oohittheke etthu. Ntoko nikhanly'ahu niviraka mwa yeeyo esumana evinre vano, wira Muluku, okathi Owo onlakel'awe etthu, Owo khonrukunxa. Ni Owo oopaka ephiro, etthu Awe yoopacerya Owo iiraly'awe okathi mutthu aamonry'awe, Owo aahaana opaka ephiro wira owo ahokolowe, vakhala wira Owo aahithuna omoopola, nto Owo aahipaka ethanlelo wira Owo amoopole mutthu ni Ephome ya Ole oohittheke etthu. Nto Owo kweekwe oniira etthu emosaru. Owo khonatoko orukunxa. Khanivo hata nipuro Muluku onrow'awe okumana ni mulipa-ookokhorela, woohikhala vathi v'Ephome. Nlo ti nipuro Nawe paahi.

<sup>15</sup> Hiyo nineererya omwiiriha Owo okumana vathi va teyoloxiia ahu, vathi va muromolelo ahu, vathi va ipokrama sahu so osoma. Akina anaateka anamukattha ni akina anteka ipooma, Papilooniya ni—ni namukattha a oBabel, ni inamuna sothene sa itthu soohiyana-hiyana. Masi nlelo enookhala, wira Muluku onkumana ni mulipa-ookokhorela eekeekhai vathi

v'Ephome paahi. Owo khonarukunxeke eyo. Hiyo khanikhanle othene okhalaka aMetotista, khanikhanle othene okhalaka aPentekosite, khanikhanle othene okhala *ela, ele, wala ekina*, ninoovaanyihana. Masi kaamuphiyeryaka mutthu, akhale namukuttho muKatolika wala onakhaleru etthu p'itthu, owo akhalaru vathi v'Ephome ele hiyo n'axinna, voohicala nipuro xeeni vary'awe, owo akhalaru vathi v'Ephome.

<sup>16</sup> Vano, omwiiva mwaapwittipwitthi wa Isarayeli yaari yoophavela ya Yehova, ni ephome yaari ekanyeryo wira muteko waahivariwa. Muluku aaphavela wa woopoliwa, okhuma wEjitu, orowa muttethe wa natiri, Owo aamphavela mwaamunama oowiiwiwa. Nto mwaamunama owo aahaana okhalana... Ephome ya mwaamunama ookhwa yaahaana oheliwa vasulu va mukhora ni vamukhora, nto eyo yaakhala ekanyeryo wira etthu Yehova aavekenly'awe yaahimaliheriwa. Munnona? Vano, kahi mwaapwittipwitthi aari ekanyeryo, ephome ti yaari ekanyeryo. Vano, ekumi yaahikhuma mwa mukuttho, nto vano ephome yaari ekanyeryo. Sooruma Sawe saahiiriwa. Ephome yaakhala ekanyeryo, eyooniheryo wira mulipa-oowaamini aahipaka oratteene ele yaari yoovekeliwa. Eyo ti yaari ekanyeryo. Vaareera, omoona mulipa-oowaamini, okokhorela, nto aasuwanyeihiwa ni mukuttho awe. Munnona?

<sup>17</sup> *Va* eri empa, ni mulipa-ookokhorela, exeeni yaari yoovekeliwa? "Omwiiva mwaapwittipwitthi. Nihiku na namuloko ni maxexe numala oheliwa, o—oolopwana oohipahuwa, Isarayeli othene omuhite, nto ephome ekuxiwe ni isoopo eheliwe vasulu va mukhora."

<sup>18</sup> Nto, etthu ekina, isoopo eyo yaari malaxi pure paahi. *Isoopo* enihimya "waamini wanyu." Mutthu oneererya okhalana waamini w'erimu, mwaha wa yeeyo munivony'anyu ovonihiwa wanyu. Waamini etthu yowunlaaneya tu. Mookhalana waamini wo orwa okereja. Mookhalana waamini wo weetta vate vale. Mookhalana waamini wo otthukula ekaaro anyu. Mookhalana waamini wo olya yoolya anyu y'ohiyu. Ti siiso ery'aya, waamini wo wunlaaneya tu. Vano ohelela ephome, yaaheliliwa ni isoopo, yaawo yaari malaxi pure ammela khula nipuro oPalestina, yooniheryaka wira waamini ephome orin'aya oheleliwa-no kehiyo etthu yuulupalexa murin'anyu okhalana inamuna sothene sa ikharawu s'etotori wira mukhalane. Ti wowunlaaneya tu, waamini wa khula nihiku, wo omwaamini Muluku. Munnona? "Muhelele ephome," ni waamini, "ni isoopo."

<sup>19</sup> Vano, mulipa-ookokhorela, nto, wooniwa vathi v'ephome yeela, yooniherya wira aahiira yoovekela ya Yehova, ni aahisuwanyeihiwa. Ekanyeryo yooniherya wira owo aahisuwanyeihiwa ni mwaapwittipwitthi aahitiwe Yehova aanvekenly'awe. Muteko waahivariwa. Ethoonyeryo xeeni yoolikana olelo, ya Kristu ni mulipa-oowaamini. Okathi

Ekanyeryo yooniheriwaaya wa mulipa-oowaamini, nto Eyo enooniherya wira yookupaliwa ni muteko woovariwa.

<sup>20</sup> Vano, ephome yaari ekanyeryo yo osuwanyeihiwa, ephome eneene. Mwaamunama aahivuuva ephome, aahikhwa, nto ephome awe yaari vaxirini. Vano, ekumi ya mwaamunama, yaari mphomeni. Nto ekumi eri mphomeni, hiyo noosuwela eyo. Bibilia ohimnye siiso, ni siyensiya onnooniherya, ekumi eri mphomeni. Vano tivo okathi aaviw'awe mwaamunama, nto ekumi khuthikiliwa mwa mwaamunama, ephome yaahaana okhala kiimika a ephome, wira ekhale ya ekanyeryo. Okhala wira, ekumi yaari mphomeni khiyaawerya omutthikela mulipa-oowaamini, okhala wira yaari ekumi ya mwaamunama.

<sup>21</sup> Nto ekumi ya mwaamunama ni ekumi ya mutthu ti yoovirikana mara. Khiivo, hat'etthu mwa yeeyo nnakhala. Mookuxa, mukuxe ephome ya mwaamunama muhele mwa nyuwo, munimookhwa. Tivo moone, hiyo, eyo e—eyo ekumi yoovirikana mphomeni mwa mwaamunama ovikana ele eri mphomeni mwa mutthu, okhala wira mutthu ookhalana munepa. Mwaamunama khorina munepa.

<sup>22</sup> Nto vano, tivo, ephome ene, mwiiwe saana vano, kiimika ooxeerya, ikiimika s'ephome, yaahaana okhala vamukhora, ntoko ekanyeryo wira mwaapwittipwitthi aahikhwa, vano, okhala wira ekumi ya mwaapwittipwitthi khiyaawerya omutthikela mulipa-ookokhorela mutthu. Masi olelo... Yaari ethoonyeryo paahi.

<sup>23</sup> Olelo kehiyo Ephome ya kiimika ya Pwiya Yesu, Mwaapwittipwitthi ahu, masi t'Ekumi yaari Mphomeni, ekhanle Eroho Yowarya. Eyo enoottthika ni ti Ekanyeryo hiyo naakhenly'ahu khwiira oratteene ele Muluku onihimenry'awe wira. Vano nto, mwaha wo okhalana Ekanyeryo, hiyo ninnisuwanyeihiwa ni Mukuttho ahu. Voolikana-ene. Nkinoona moota etthu yaakhanly'aya okhalaka yoowooneyaxa. Munnona?

<sup>24</sup> Enamuna emosa paahi yaakhanly'aya osuwelaka wira emp'ele yaaniira mpantte, nave, vathi v'ephome, okhala wira kiimika a ephome aari vamikhora. Awo yaanivira, Nlaikha na mookhwaani naahaana oweha ni woona ephome. Vano, emaara ekina, yaari ethoonyeryo ya Eroho Yowarya.

<sup>25</sup> Vano, moone, Ephome y'ekeekhai ya Yesu khiyaakhanle orwaaka vasulu va khula mmosa a hiyo, okhala wira Owo aarina eyaattelo khata y'Ephome mw'erutthuni mw'Awe. Ni yaahimora, okhuma mw'erutthuni mw'Awe, khumorela vathi, miyaakha ikonto piili sivinre; masi khiyaari wira ekhale Ekanyeryo. Ekumi, Ekumi yaari Mphomeni, ti yaari Ekanyeryo vano. Kinoowooniheryani, minuutu mmosa paahi, ni Bibilia. Eyo ti Ekanyeryo eri wira erwe vasulu va khula mmosa a hiyo, wira yooniherye wira noosuwanyeihiwa ni Mukuttho ahu, ni noomaliherya yoovekela ya Yehova.

26 Petru aahihimya, Nihiku na Pentekosite, “Murukunuxe murima, khula mmosa a nyuwo, mpatisiwe ni Nsina na Yesu Kristu wira muleveleliwe itampi, nto munimwaakhela yoovaha ya Eroho Yowarya. Okhala wira natiri t’awinyu, ni an’inyu, n’ale ari ottaiwene, othene Apwiya Muluku ahu anthhun’aya owiihana.” Moone, kahi owooniherya eyo awo paahi. “Othene ale Apwiya Muluku anthhun’aya owiihana.”

27 Aakhala anci-ene anuupuwela wira ahihaniwa. Masi othene “Apwiya” aniwiin’aya! “Ale Owo aasuwenly’awe khalayi ene, Owo oowiihana; othene ale Owo owiihann’awe, Owo ohaakhaliha anaxariya; othene ale Owo aakhalinh’awe anaxariya, Owo ohaavuwaha,” etthu ene yoomaliheriwa.

28 Vano nto mwaamukuxaka mutthu ohinaamini wira Eroho Yowarya ti ya mahiku ala, munnoona etthu aniir’aya? Awo anookhootta Ekanyeryo ekhanle eyooniheryo ya nyuwo mukhalaka oophitaana ni Mukuttho anyu. Munnoona enihimiy’aka? Ti yookhweyaxa mwaweha—ru paahi mwa—mwa enamuna Muluku olempy’awe vano. Ephome yoonikuxa ni hiyo naari. . . ennooniherya e—eyooniheryo ya Eroho Yowarya, ekhanle Ekumi.

29 Vano, ekumi ya mwaamunama khiyaawerya otthikela mwa mutthu, okhala wira awo khiyaarowa olikana, ekumi ya mwaamunama kherina hata munepa. Ekumi ya mutthu yookhalana munepa. Mwaamunama khonsuwela wira khowanr’etthu. Owo khonsuwela yooreera ni yootakhala. Owo, owo paahi. . . Owo orina e—erooho, masi khorina munepa. Vano muupuwele, vano, munepa ti mukhalelo wa erooho, vekeekhai.

30 Vano nwehe, masi nto okathi Ekumi ya Mukuttho ahu, Yesu Kristu, okathi Ephome Awe yaamwaraxiw’aya. . . Owo aari Mulukuu, aipinthe mwa Mutthu mmosa. Vano, Owo aahikhuruwa okhuma aary’awe Yehova, wira aisuwanyeihe Mmansawe ntoko mutthu, wira akuxe mwa Yoowo mukhalelo wa mutthu, wira anisuwanyeihe ni Yoowo. Owo aari Mwaapwittipwitthi a Muluku. Nto muhina mw’Awe, memmo Ephome. . .

31 Vano koosuwela wira mutthu oniira, “Owo aari ephome ya muYuta.” Munooiwiwa aYuta ohimya siiso. Owo khaari ephome ya muYuta, ni nnakhala khaari ephome ya Mmalapo. Owo aari Ephome ya Muluku. Owo khaari hata muYuta. . . Owo khaari hata muYuta nnakhala Mmalapo. Owo aari Mulukuu. “Mwa—mwa—mwali harusi onoorupala.”

32 Vano, koosuwela wira anci-ene a nyuwo atthu ni aPrustante anuupuwela wira nooce naari na Maria. Ni e—emoklopiina enikhuma, ekumi enikhuma mw’erukurukuni y’ephome. Okhala wira, muhore onoowerya orela nooce, ahikumanne ni muthupi, khonrowa wuuramela, okhala wira khaninthola. Ekumi enkhuma mphomeni, yeeyo enkhuma wa mulopwana. Masi

mwa mwah'ola khiwaakhanle omwilimwana wa mulopwana, tivo, "ekumi mphomeni," yaahaana okhuma wa Muluku paahi, nto Owo aapattunxe erukuruku y'Ephome mmirimani mwa Maria. Muluku Mwaneene, Mpattuxa Mwaneene, aahipattuxa erukuruku y'Ephome. Vano nkawehani. Eniiriwa, "Ahe, yaari erutthu. Maria aarina nooce." Nnari, mulopwana. Owo khaari; hata nooce. Vaakhanle wira naari nooce, khamukhanle okhalana ekhasa vahikhanle-vo etannyeyelo. Nto vakhala wira Owo, owo aahikhalana etannyeyelo, exeeni murin'anyu Muluku airaka?

<sup>33</sup> Owo aapattunxe soopiili nooce ni Ephome. Vekeekhai ti yeeyo Owo aary'awe. "Hiyo noomukwannya Muluku," Bibilia oohimya. Timoteyo Oopacerya 3:16, "Vekeekhai esiiri na yoo nntittiniho nuulupale: Muluku ohiisooniherya v'erutthuni. Hiyo noomukwannya Owo ni matat'ahu." Erutthu aari Muluku. Vekeekhai, aari yoowo. Owo aari Muluku othene, mwa mukhalelo wa mutthu.

<sup>34</sup> Vano hiyo ninniweha mwa yeela, wira erukuruku ile y'Ephome, eyo yaamukumihenrye Muluku. "Muluku aari mwa Kristu, aataanihaka olumwenku ni Yowo." Vaavo, ahaakhanly'awe hata mutthu mukina aawerya wira, khiivo hat'etthu ekina yaawerya wiiriwa; yaatthuneieye Ephome yeele yoowaarya, Eneene. Muluku aahaana okhuruwa khukhala mutthu, wira ahaawele ikano Sawe Yoowo. Vakhala wira Yesu aari profeta paahi, mutthu oovalaana ni Muluku, weso Muluku kahiyo naxariya.

<sup>35</sup> Vaakhanle wira kaaniwerya wira, "Munna Grant akhwele etampi Billy aarin'awe okhwela," wala mutthu mukina, ehukhumu, eyo yaamukhala vooxixariya. Vaakhanle wira kaanimwiiriha mwan'aka okhwa mwaha wa ehukhumu miyo kihimaly'aka, nlelo kuhiyo onaxariya. Eri exariya emosa paahi kikhanly'aka wira, ekhanle okhala vooপুরoni vawe, katthunaru omoopola.

<sup>36</sup> Ni Muluku aahaana okhala erutthu, wira akhale vooপুরoni va natampi; Muluku aisoonihenrye mw'erutthuni, khiivo hat'etthu woohikhala Muluku Mwaneene. Vano, Owo aari va, owiisooniherya mw'erutthuni, wira attipihe itampi sa molumwenkuni. Ni Owo aahiisuwanyeiha Mmansawe mwa hiyo, wira hiyo nisuwanyeihiwe mwa Yoowo. Munnoona etthunelo aya?

<sup>37</sup> Vano hiyo ninnoona wira osuwanyeihiwa wahu ni Mukuttho ahu, Ekumi ya Mukuttho mwa hiyo, yeeyo ekhanle Eroho Yowarya. Okathi erukuruku ile ethikiliw'aya, eyo yaamukumihenrye Muluku, yaamukumihenrye Muluku, wira Owo aahaana waareeriha atthu ni Ephome Awe Yoowo ni omuhela-tho Muluku mwa mutthu. Muluku mwa nyuwo, Ekumi Ehinimala!

38 Ni khula musomi muKreku onnisuwela wira nuulumo nlo, Ekumi Ehinimala, ninrwa mwa nuulumo Z-o-e, Zoe, yeeyo enihimya “Ekumi ya Muluku Mwaneene.” Ti yeeyo. Enamuna emosa paahi mukhanly’anyu okhalanaka Ekumi, eri enamuna emosa paahi y’Ekumi Ehinimala, nto eyo Ekumi ya Muluku Mwaneene mwa nyuwo. Munnona? Vano munookhalana Ekumi Ehinimala, okhala wira Owo ti Oohimala mmosa paahi okhanle. Nto hiyo na mikhalelo sa miyuupuwelo Sawe, ohinatthi hata okhala opattuxiwa w’olumwenku wala etthu p’itthu. Sothene iya wuupuwela Wawe paahi, ni hiyo ninooniherya miyuupuwelo Sawe sa ele yaakhanle.

39 Ni Owo aahaana okhuruwa wira attipihe etampi. Khaavo mukina aawerya wira eyo. Khaakhanle hata mmosa aaphwanela wira. Khaavo hata mmosa aawerya wira eyo woohikhala Yoowo, nto Owo aahiira.

40 Vano nto vakumihiw’aya Ekumi ile mw’erutthuni mme, Mutthu, yoowo aari Mwaana a Muluku (Owerya Wawe wo opattuxa waahipaka empa, ntoko khula namateka, aahiteka empa Owo aakenly’awe-mo, Mwaneene, Muluku aahiira eyo.), vano nto, vakumihiw’aya ekumi ile, Ephome, kiimika aya, yaahiyeehereya vathi, vekeekhai *siiso* ntoko y’Apeeli yaayeehereny’aya vathi, Masi mwa Ephome yeele khurwa Eroho Yowarya ya Muluku, nto Eyo yaahiveleeliheriwa atthu Nihiku na Pentekosite, wira esuwanyeihiwe ni Mukuttho waakhwenle. Khiivo hata enamuna ekina mulaponi nikhanly’ahu waakhelaka. Ekanyeryo y’ekeekhai!

41 Nkawehani, vaakhanle wira mwaahittheka wira mukhwe, ni khusuwela wira mwaamurowa vakhaterani ya eletrisitaate, nto muupuwele, okhoota . . .

42 Dallas, nwiriyane! Okhoota Ephome ya Yesu Kristu, Ekanyeryo ya Ephome Awe, moona-ru Yeeyo khukhoota, munoorowa ophwanya Olamuliwa ni Ephome Awe mmatatani mwanyu. Natampi, mempuru a mukereja, muupuwele yeeyo.

43 Ankhi Lee Oswald aakhanle oowerya, mahiku ale vakhani, ni oviheriwa iwe ohoolo w’Epwaro ele Yuulupale ya milattu aarin’awe woonana-no; ni aahisuwela, mwaha wo omwiiva Mukhulupale, khiwaarowa okhala omoreliwa ikharari hata vakhani, mulopwan’ole aahaana woona sayi! Khino yaari etthu yoowoopiha. Owo khaarina woonana-no eyo, okhala wira mutthu mukina t’amoopenle. Masi muupuwele okilaathi vale ohoolo wa Epwaro Yuulupale ya milattu yoonanariwa, ni ephome ya mukhw’inyu mmatatani mwanyu, Mukhulupale a Estadu Unidu! Eyo enookhala etthu yooveya, wa nyuwo atthu munvira mwa Ephome ya Yesu Kristu, okathi onrow’anyu weemela mpwaro mwa Muluku. Oviheriwa musuwenle-ene. Oswald khaawerya wira-tho etthu woohikhala okhoma ohiya ekumi ila mwaha wa yoowo, masi Muluku onimoohiyani Voohimala



okhuma Ohoolo wAwe. Enrowa okhala etthu yoowoopiha. Nwehe.

<sup>44</sup> Vaakhanle wira mwaahaana orwa mpwaro mwa milattu, mwaha wo ottheke, mwaarowa omphavela mulapeli oosuwelexa mwaakhanly'anyu omphwanyaka. Khula mutthu aamwiira eyo.

<sup>45</sup> Ni khula mutthu oyariwe molumwenkuni, voohicala oreera xeeni w'empa owo okhummy'awe, owo t'ottheke mwaha w'Ephome ya Yesu Kristu mpakha akupali olevelela waya. Nto enamuna emosa paahi munsuwel'anyu wira nlevelelo ti woolikana, okathi Ekanyeryo eniihel'aya Mmansaya mwa nyuwo, ni nyuwo khukhalana Ekanyeryo.

<sup>46</sup> Nwehe, nyuwo m'ottheke, nto mwaarowa omwaavya mulapeli oosuwelexa mwaakhanly'anyu omphwanyaka wira alapele mwah'anyu. Nto vaakhanle wira kaarowa Olamuliwa wa Muluku, nkimmuthuna hata namukuttho, nkimmuthuna hata mutthu; kimmuthuna mulapeli oosuwelexa kikhanly'aka omphwanyaka wira alapele mwah'aka.

<sup>47</sup> Mukihiye kihimye wa yeela, wa nyuwo, mpatthani aka muKristu. Mulapeli ahu ti mphuki ahu nave, ni mphu—mphuki ahu ookhala mulapeli ahu. Mwaha ommalihiwa okathi ninaakhel'ahu nlevelelo Awe. Mphuki Ene yoowo ookhuruwa khukhala mulapeli, nto mulapeli ni mphuki Mutthu mmosaru. Muluku ohiikhaliha mutthu, wira amukhalihe naxariya mutthu mwaha w'okhwa Wawe Mwaneene wira Owo akhale mwa yoowo. Aleluya! Eyo enihimya wira, "Attottopeliwe Muluku!" Owo onniphwanela mittottopelo sothene. Mphuki ahu ni mulapeli ahu Mutthu mmosaru.

<sup>48</sup> Eroho Yowarya ti Ekanyeryo wira nooleveleliwa. Mwaha woomalihiwa. Wa khula mulopwana ni muthiyana aakhenle vekeekhai opatiiso wa Eroho Yowarya, owo oophukiwa, oosuwanyehiwa ni mulapeli awe, ni mphuki awe, ni mukuttho awe, ni Ekanyeryo owo orin'awe ennooniherya wira mukwah'awe woolinwa orowa Movuwani. Amen. Sothene soomala. Owo onvarela Ekanyeryo yeeyo. Ti wawawe, opatiiso wa Eroho Yowarya, ekhanle namoona a ohihimuwa wa Yesu. Amen. Munnaamini yeeyo? [Muthukumano oniira, "Amen."—Mol.] Iwo p'usuwanyehiwa wanyu, munvarela Ekanyeryo.

<sup>49</sup> Vano vakhala wira khamurina Ekanyeryo eyo, khamunrowa ovolowa. Muhaana okhalana Ekanyeryo. Eyo ti ehisapo envekeliwa, "Miyo koonaru ephome, ephome ti ekanyeryo. Miyo koonaru ephome, kinoovira vasulu vanyu." Muhaana okhalana Ekenyeryo. Mwaahikhalane, vano, khamunrowa. Muhaana okhalana Ekanyeryo.

<sup>50</sup> Ekanyeryo yaahooniheriwe, ekanyeryo yaahooniheriwe vathi vale, hata waataana wene khiwaavara muteko. Nyuwo muniira, "Ahe, vano, Munna Branham, vano nwehererye minuutu mmosa." Vekeekhai eyo ekhweeli.

<sup>51</sup> Ekanyeryo yaari vasulu vo waataana. Maana Isarayeli aahikhalana waataana wira alyihiwe masoma, ni khula muYuta aaniwerya okhuma ni omooniha mutthu ti mutthu, “Kinoowerya owooniheryani wira kooliyihiwa masoma, miyo ka muYuta, miyo kooliyihiwa masoma ntoko sinrum’awe Yehova,” masi nlelo eyo khiyaamukumiha ekanyeryo yaahikhale-ru vale nave. Owo aahaana wooniherya ekanyeryo. Munniiwa saana? [Muthukumano oniira, “Amen.”—Mol.] Owo. . . Ekanyeryo yaahaana okhala vale, khula enamuna. Nto nyuwo mwakhala mo waataanani. . . Akhala muYuta aarowa wira, “Miyo nkinhela hata ephome vamukhora vaka, kinoowerya owooniheryani wira ka muYuta kiri mowaataanani,” Nlaikha na mookhwaani nammukuxa. Hata wira aari oororomeleya sayi, aari mempuru a ekereja sayi, sanamuloko aaliva sayi, hata aahimya sayi wira aanimwaamini Yehova; Yehova aavekela ekanyeryo yeeyo.

<sup>52</sup> Ni Owo onniira eyo olelo, nave. Ehaana okhala. Ehaana okhala, “Tthiri khiivo ephiro ekina vathi v’Erimu, hata nsina nikina nivaheriwe, hata enamuna,” hata wira erenre sayi, ororomeleya sayi. Ekanyeryo eyo ehaana okhala vo, ni woonihereya.

<sup>53</sup> “Ephome,” nyuwo muniira, “ahe, koomwiiva mwaapwittipwitthi khimuhela mmurinkini. Kihenle ottuli nno.” Eyo kehiyo ele Owo ohimmy’awe. Ehaana okhala vasulu va mukhora ni vamukhora. Ehaana wooniheriwa.

<sup>54</sup> Ni ekumi anyu ehaana wooniherya wira Ekanyeryo eri mwa nyuwo. Oh, nyuwo aPentekosite, exeeni evonyeie ni nyuwo? Maihi oometthiwa, wiitho woopintariwa, alopwana, iperwa soonanara ni itthu, ori vayi wooniherya iwe wira Ephome ya Pwiw’aka Yesu Kristu ti Ekanyeryo ya Eroho Yowarya? Nyuwo, munooneya ntoko oothunku, nave khunaihana “okhwiri” ni itthu sothene sikina, miteko sa Muluku, “okhwiri.” Munooniherya sayi ekanyeryo?

<sup>55</sup> Eniiriwa, “Miyo ka muPente- . . .” Khenikicala wira mwa xeeni. “Miyo ka muPatista. Miyo ka muPres- . . .” Khenikicala wira mwa xeeni. Ekanyeryo ele ehaana okhala vo. Muluku onnivekela Yeeyo, ni khiivo etthu ekina woohikhala yeeyo.

<sup>56</sup> Nyuwo muniira, “Ahe, kihaana ya etotori.” Nkincala ikharawu kavi murin’anyu. Muluku onvekela Ekanyeryo yeeyo, nto Yeeyo tu. Eyo ethooneryo wira mukwaha anyu woolinvwa. Owo khonrowa okuxa ittikitti sanyu wala etthu ekina. Owo ohaana okhalana Ekanyeryo yeele.

<sup>57</sup> Xoofeeri a karera onimwiira, “Va, nwehererye minuutu mmosa, eyo kehiyo ti ekanyeryo aka.”

<sup>58</sup> Mulipa a mmutteekeni onimwiira, “Ahe, mukhume naanaano.” Ettikitti ti ekanyeryo. Nyuwo munoorowa iwo omwiirela namweettiha ntteeke, “Va, kintthuna kivolowe mmutteekeni mwanyu. Enkhala kavi?”

“Nvolowe mwathume ekanyeryo anyu.”

“Oh, kinimoolivani.”

<sup>59</sup> “Nkikhanle okuxaka. Khamunvolowa mmutteekeni mwaka mpakha murowe mwalive ehisapo mukhalane ekanyeryo. Miyo kimpavela ekanyeryo.”

Nyuwo munaira, “Ahe, miyo koorowa oxikola. Kihiiira *ela*. Miyo . . .”

<sup>60</sup> Nkincala exeeni mwiiraly’anyu, muhaana okhalana Ekanyeryo ahiiso khamunkela. Amen ni amen. Khamunwerya woona? Muluku onvekela Ekanyeryo yeeyo. “Miyo koonaru ephome, nto kinoovira paahi vasulu vanyu koonaru ekanyeryo.”

<sup>61</sup> Eyo yaahooniheriwe, waataana hata khuwaavara muteko. muYuta aamuwerya mara ohimya ni wiisooniherya okhala mu—muYuta oolyihiwa masoma, owo aamuwerya waakuxa axinna ni wira, “Nkawehani va, miyo kihoolya masoma.” Eyo khiyaahimya etthu.

<sup>62</sup> Nyuwo muniira, “Miyo ka Mmetotista. Miyo ka muPatista. Miyo ka muPentekosite. Miyo ka *ela*. Miyo ka *ele*.” Eyo khenihimya etthu.

<sup>63</sup> Muhaana okhalana Ekanyeryo. Nto Ekanyeryo yarwa, Eyo ennimukhalela onamoona Kristu. Owo ohimnye wira yaamwiira. Nto Kristu ti Masu. Munwerya sayi okhootta wira Bibilia ekeekhaii, epantte ya Yoowo, nave nlelo n’uhimya wira muhaana Ekanyeryo, Ekanyeryo ekhanle-ene onamoona wa Yesu Kristu? Moone, ti yeeyo enikitikiniha.

<sup>64</sup> “Oh,” muniira, “Miyo nkinaamini, kinnaamini wira mahiku a miiriirya . . .” Oh, phoole, khiivo hata Ekanyeryo vo. Ekanyeryo ennimaliherya khula Masu ni “amen,” sothene, okhala wira ti Muluku Mwaneene. Munnona? Vaareera.

<sup>65</sup> Masi ekanyeryo yahaakhanle vale, waataana khiwaavara muteko. Waamufuciwa. Vamosaru olelo! Hata wira muni—munihimya sayi, hata wira mwaahimya sayi wira, “Kinnaamini Masu othene mBibiliiani,” wira, “Munna Branham, miyo—miyo kinniweya woohimeeryani nuusu na Bibilia owo, Bibilia othene, ni ankhili. Kinnimwaamini othene Owo.” Ti yooreera. Satana onniira, nave. Uh-huh. Entthuneya Ekanyeryo!

<sup>66</sup> “Ahe, Munna Branham, exiri aka yotheene ti yoosareya ikharawu. Miyo kihaana Ekharawu ya Erattelo, ni kihaana ekharawu ya totori, ni LLD. a Elatiino. Ni, oh, koolepa iliivuru. Kihiiira *ela*. Kihiiira sothene. Kihii—kihiiira itthu sothene iya.” Nkincala. Eyo eri saana, masi nlelo muhaana okhalana Ekanyeryo. Ekanyeryo, nlelo Ekanyeryo ennivekeliswa!

<sup>67</sup> Nyuwo muniira, “Miyo ka musomi a Bibilia. Miyo ka mu—mutthu ooreera murima. Miyo ka *ela*, *ele*.” Eyo khino ti yooreera, sothene iyo ti sooreera, masi nlelo ehaana okhalana Ekanyeryo!

68 Vano, okhwa waahilikana wira omane wEjitu khula okathi, nto siiso okhwa woolikana wira omane elapo vano khula okathi.

69 Anna Jeanne, kinnoona etthu ntoko atith'inyu, yaahimmyaya moonelo mmosa okathi uwo. Kweekwe ennikisivelaka eyo. Awo yiirale, "Moosuwela, elapo ela, ni itampi imosaru, Muluku amuhiya-ru Amerika oohihukhummwa ni itthu siniir'awe, Owo vaxariya ohaana waavenxa aSotoma ni Komora ni waavekela muswammaha, mwaha wo waapahasa." Nto eyo ekeekhahi.

70 Muupuwele, Isarayeli aahiliva mwaha wa khula etampi iiraly'awe, ni hiyo ti siiso. Moota xeeni onkhal'ahu ooviliwa? Mwiititele ikaruma! Mutthikele wa Muluku, ekereja! Nkinihimya itthu iya wira kikhale oovirikana. Kinoohimeeryani ntoko woolopolani. Mwaamini!

71 Okhwa waahilikana wira omane. Muluku aahiwoniherya mahala Awe ni omoriwa Wawe ikharari, mwa owerya ni ithoonyeryo ni sootikiniha (siiso Owo onniira olelo ohinatthi okumiherya Ekereja ota), nlelo atthu khatthunne orukunxa murima ni waamini mutthaka.

72 Moone, waahikhala mutthaka ehinatthi okuxiwa ekereja. Kweekwe ohaana okhala. Vamosaru olelo. Khula yookhumelela ya erooho ethoonyeryo enkhuma wa Muluku. Munnaamini yeeyo? [Muthukumano oniira, "Amen."—Mol.] Ntoko Mutthaka, yookhala ethoonyeryo vano nto Mutthaka onthara ethoonyeryo. Muluku aahimuhimeerya Moise, khwira, "Awo yaahaamini-ru nsu na ethoonyeryo yoopacerya, khino awo animwaamini nsu na ethoonyeryo ya nenli."

73 Vano, moonaka ithoonyeryo sirowaka, nto khuhikhala mutthaka ottuli waya, exikola emosaru tu ya teyoloxiia n'urowa, eyo khiyaari ya Muluku. Masi vankhal'aya ethoonyeryo yo wooniheriwa, Mutthaka onnitthara. Vano nkawehani. Yesu aahirwa vapuwani . . .

74 Kinoottiyani maaru? Wala onakhaleru pani vamikorofoni va, onruma ntoko ennimuttikiha namalwe. Khino ennirumaxa vakhani. Kintthuna wira mwiiwe.

75 Okathi Yesu orwiiy'awe vapuwani, Owo khaalavulela vanci-ene atthu, atthu othene yaanimutthuna Owo mukereja mwaya. "Oh, Profet'ola mmiravo, hiyo ninnitthapa okhala n'Uwo." Owo aanaavonihia aretta. "Oh, avuwihawe Muluku. Muluku onvenxa Mutthu muulupale eriyari ahu." Eyo yaari yooreera. Vano nihiku nimosa yaahipherya nipuro vaavo. . . Eyo yaari ethoonyeryo Awe.

76 Yesaya 35 aahimye wira yaamukhala ethoonyeryo. "Mulipa-ootuthunya onootupha ntoko naahe," ni sikina, "alipa-oohoona yaamoonaa." Yaari ethoonyeryo.

77 Owo aahooniherya ethoonyeryo Awe ntoko Mesiya, ni siiso. Nto awo, anci-ene aya, khwira, "Ayo, kaamuwerya orowa

ni yeeyo.” Ahe, vano, vakhala wira eyo yaari ethoonyeryo, nihaana okhala nsu na ethoonyeryo eyo. Naari nsu xeeni ottuli waya? Okathi Owo opacenry’awe wiixuttiha mwiixuttiho Awe khuwiihana nloko na inowa mmalaxini. Owo khaari oosuweliwa okhuma vaavo mpakha ohoolo, moone, varuuly’aya nsu ni ethoonyeryo. Ethoonyeryo ti yaakhumme toko.

<sup>78</sup> Moise aahirowa wEjitu ni ethoonyeryo. Vano owo aahimurihela vathi ttootto awe, khuthatuwa enowa. Eyo yaari ethoonyeryo. Masi nuvira okathi vakhani, nsu naahirwa ni ethoonyeryo. Vano yaahivirikana. Moone, awo khantthuna eyo. N—nsu, nihaana okhala, otthara ethoonyeryo. Nto khuuvo hata okathi mukina yaakhanly’aya orwaaka woohikhala okathi yoole, okhala wira waari okathi wa Soolempwa omaliheriwa. Nkawehani etthu Owo aamuhimenry’awe, vamwiiwani waavarela, “Miyo kirimoona wiipulela ni kiiwale w’atthu Aka, ni kihoona ohaawa waya mwaha wa anamweettelela muteko a wEjitu, nto kinnimuupuwela natiri Aka kaamulapenly’aka Abrahamu.” Miyaakha imiya xexe saahivira, ni Owo aahimuhimeerya Abrahamu wira awo yaarowa okhala iwe. Moone, khuuvo okathi mukina yaakhanly’aya okhalaka. Moise aahaana orwa okathi ene yoole.

<sup>79</sup> Eroroco yuulupale ya Muluku enaalikela voolikana. Khunrowa okhala minuutu mmosa wo waakuva wala minuutu mmosa ottuli. Enrowa okhala oratteene m’okathi. Ahe, tivo, moone, itthu sothene seetta voolikana-ene tu, khisaakhanle orwaaka okathi mukina.

<sup>80</sup> Nnakhala itthu iya khisaakhanle orwaaka okathi mukina. Ela khiyaakhanle orwaaka mahiku a Lutero. Khiyaakhanle orwaaka mahiku a Wesley. Mahiku a aPatista wala aMetotista, mahiku aya, khiyaakhanle orwaaka. Ehaana orwa vano. Isarayeli ohaana okhala elapo. Ikereja sihaana okhala ntoko siry’aya vano. Waahaana okhala mutthaka wa neeraru, okathi wa neeraru wa ekereja. Aahaana okhala Lawotiseya. Khiwaakhanle opakeyaka mpakha Pentekosite orwa ni ophiya emalelo aya, khukhuma khwiitthokiha, khwiira yeeyo awo yiiraly’aya. Nto ohaana orwa, vano anoorwa t’Apwiya, okathi awo animuhel’aya Owo ota wa ekereja. Owo ti Masu.

<sup>81</sup> Awo annoova otharimula Masu awo khula nipuro. Awo ankhala oomaala saana wa Yaawo, masi nlelo anninyakulihana mwaha wa yeeyo.

<sup>82</sup> oChicago, nno woohikhala khalayi, okathi Apwiya yaakivahaly’aya yoowoona. Kaahikhalana arumeyi imiya ttharu iwe. Miyo khwira, “Vano koosuwela etthu nyuwo. . .” mwaha wa epyo y’enowa, ni sikina, miyo khwira, “mmosa a nyuwo amukuxe Bibilia nto arwe akaattamele ni avanyihe.” Nikhuru noomaalaxa nitonko wooniwa. Miyo khwira, “Vano kihiyeni.” Moone, eyo eri ota wa exikola aya yo wuupuwela.

<sup>83</sup> Nnakhala vo, awo aniira, “Munna Branham profeta okathi onkhal’awe oottikittheliwa, masi muttikitthelo wamuhiya vale, oh, nkinsuwela.” Ankhi e . . . Eyo yaahikhale ekanyeryo ya te—te—teyoloxiia ootapanyeya! Yeeyo vekeekhai . . .

<sup>84</sup> Nuulumo *profeta* nnihimya “mulipa-oowuupulula a eMuluku a Masu.” Masu a Apwiya jaarweela maprofeta. Ti siiso Yesu aasuwenyeihw’awe. Nto awo yaahimye wira numala ohihimuwa, awo yiirale, “Hiyo noosuwela wira Owo aari profeta a Muluku,” moone, “khaavo aawerya wira itthu iya ehikhanle wira Muluku ori ni yoowo,” nave khiyaakupali mutthaka Awe. Awo khiyaamukupali Yohani, ni owo aari profeta. Khiyaamukupanli Eliya, hata mmosa w’awo akina, ni awo yaarinasa muupululo w’eMuluku.

<sup>85</sup> Nuulumo, nuulumo n’Enkelesi, *profeta*, moolumo a Enkelesi pooti ohimya khula etthu, nnihimya “mulaleyi.” Masi mwaahimya *profeta*, a mBibiliani a khalayi, yaahimya “namoona.” Nto esuwanyeiheriwo awe yaari, wira, ele aahimye’awe yaaniiraneya, nto eyo yaari ethoonyeryo wira owo aari profeta; owo nave-tho aari ethoonyeryo wira aahikhalana muupululo w’eMuluku wa Masu oolempwa. Vano nto Muluku aanilipiherya, ottuli wawe, aanooniherya.

<sup>86</sup> Sayi? Ahe, ehaana okhala siisa tu, ti yeeyo tu. Khiivo hata enamuna yo osyaka. Muluku aahimye wira jaarowa okhala siiso, nto eyo vo. Masi eyo eri vo olelo, moone, Ekanyeryo ele ehaana okhala vo, ensuwanyeiha Masu awo ni enikhaliha ekeekhai voolikana. Vano moota Owo olaihenry’awe, moota Owo aatthokihaly’awe atthu Awe othene a muttetthe wa natiri, vano, okathi Owo waarow’awe okhalana okhuma nno, yoowo waari ethoonyeryo.

<sup>87</sup> Vano kinrowa wehererya okhuma minuutu sikina soophiyaka muloko ni mithanu, miloko miili, ni Mutthaka. Nwehe saana vano, kintthuna mwiiwe ela, okhala wira pooti ohiwoonani-tho, moone.

Nwehe, vano nwehe moota Owo aatthokihaly’awe atthu Awe.

<sup>88</sup> Akavi anuwela wira Owo khonarukunxeke iphiro Sawe? Owo khonatoko wira. [Muthukumano oniira, “Amen.”—Mol.] Owo . . . vano nwehawehe mBibiliani moone sinto owo ootoko orukunxa. Nnari, mulopwana.

<sup>89</sup> Owo aatthokihale sayi atthu? Yoopacerya, Owo aamurumme profeta ni ethoonyeryo, yoowo aari Moise. Eyo ekeekhai? [Muthukumano oniira, “Amen.”—Mol.] Nto ethoonyeryo yaahikhalana mutthaka, mutthaka mmosa wo “wiilikanyiha,” awo jaarowa okhuma erowaka muttetthe waalaiheriwe. Vano Owo aahikhalana esuwanyeiheriwo, ya profet’ola, wira Waarya waari vasulu vawe. Nripu na Mooro naanimutthara profet’ola, hiyo noosuwela eyo, naarowa mothakoni ni Moise. Hiyo

ninnisuwela eyo. Vano nto Owo aahaavaha ekanyeryo yo olipano wira khivaatthuneya awo okhala oowoova, ooxanka othene ni oottetemerya; vaavo Owo iiraly'awe, "Miyo koonaru ekanyeryo eyo, kinoovira vasulu vanyu."

<sup>90</sup> Nwehe moota Owo iiraly'awe vano. Owo aatthokihale ethoonyeryo toko, mutthaka, mutthaka woosuwanyeihiwa, osuwanyeihiwa wa namutthaka, ni ekanyeryo ya olipa wira mukwaha waahilinwa. Awo anoorowa muttethe wa natiri.

<sup>91</sup> Etthu emosaru Owo iiraly'awe olelo! Owo iirale exeenii? Owo oonirumihela Eroho Yowarya. Eroho Yowarya ti Namitthaka, ni osuwanyeiha wa Soolempwa wa yoowo Mwaneene onnimusuwanyeiha Owo eriyari ahu, mmosaru nsana, olelo, ni mahiku othene. Nto Ekanyeryo ti olipa. Ninoova mwaha wa zeeni? Ettikitti ahu ya mukwaha yoolinwa ni ninnisuwanyeihiwa ni Mukuttho ahu. Owo khokhanle wookhottani. Owo oohimya eyo. Hiyo ninnisuwanyeihiwa.

<sup>92</sup> Isarayeli akhumaka wEjitu, ntoko sihimaly'aka, eri ntoko mwa—Mwaakameliwa okhumelaka ota wa ekereja. Okathi Moise opacery'awe muteko awe, Isarayeli othene aathukumanne vamosa oGoxeni, wira evekele ni okokhorela, vekeekhai, yaakhumme mapuro othene a wEjitu. Ti siiso Mwaakameliwa onrow'awe wira, onrowa okhuma mwa aUnisista othene, Opiili, ni Oraaru, ni inamuna sothene sikina. Owo onookhuma. Ohaana okhuma. Vano nisome va mwa aHeperi e...Hiyo vano, etthu yoopacerya erin'ahu wuupuwela, okhuma mapuro othene, "Mukhume eriyari ya ohaamini." Vano Eroho Yowarya yoolaiherya omwihana owo mahiku ookiserya, "Mukhume eriyari ya alipa-oohaamini." Nwehe.

<sup>93</sup> Ninnoona mwa aHeperi 10:26, kihaana yoolempwa va, enihimya ela, "Nairaka etampi vootthuna nimanle-ene waakhela osuwela w'Ekeekhai, khuuvo-tho mukuttho wa etampi," moone, mwaahaaminiki mwayiini.

<sup>94</sup> Vano mwaweha vale, enwery'aka ohimya va, nyuwo mwakivaharu okathi mpakha kipake eyooniheryo. Kaamuwerya woona muRohoni, khiyaaronwe oratteene. Munnona? Nwehe.

<sup>95</sup> Va ari aHeperi, ari mphironi mwaya anookhuma. Muluku aahaathanla alopwana muloko nanli, ahiiso Moise aahaathanla, ni ntata na Muluku, wira erowe yahottele muttethe; nto etthike, eruuhe ekanyeryo ya muttethe. Nto okathi aphiyaly'aya iwe, muloko a yaawo yaahoova vohalela okhwa. "Vano," awo khwira, "Amaleki ale iwe, hiyo ninooneya ntoko anasope w'awo." Yoxuwa ni Kalebi khutthika, eruuhaka ekeekhai, "Hiyo ninoowerya wira!"

<sup>96</sup> Moone, awo t'alipa-oowaamini a mmukaanoni. Awo anivira mwa itthu iya soohiyana-hiyana, ni mwa ekereja, ni wiitakaniha mukereja, ni opatiiso ni inamuna. Masi vaniphivery'aya olapuwa wira ephwanye Ekanyeryo, ekeekhai wira Muttethe owo ori

weiwe, Ekumi ile . . . Yesu Kristu khokhwiye. Owo mukhalelo mukina. Owo onkhala mwa yoowo. Owo ori ni hiyo, Owo ori mwa hiyo vano. Vaniphiyery'aya yeeyo, "ah," awo khiyaawenrye waamini iyo. Eyo yaahitepa, moone. Nto awo arootthika, nto awo, khula mmosa, aahikhwa mothakoni, khaavo hata mmosa a awo aalapunwe. Nto, moone, hiyo naahaamini-ru, hiyo aMetotista, aPatista, aPrespiteriyaano!

<sup>97</sup> Kinroromela wira mwixuttihi aka a khalayi okilante vaava olelo. Totori Roy E. Davis, anci-ene a nyuwo munnimusuwela, wenna nno oFort Worth, owo khino okilante muumu. Kinnuupuwela wira naahivaanyihana itthu iya, miyaakha sinci-ene, sinci-ene sivinre. Owo ookipatisa mwa waamini, ekereja Patista Misiyonaariya.

<sup>98</sup> Nto nkawehani, va, vano, hiyo na . . . na—naphiyaru muttethe owo wa mmukaanoni, niniira, "Ahe nto, avuwihwe Muluku, koolavula ilavulelo, aleluya!" Kahi yeeyo. Mwaaweryaka ohimya, ohaamini emosa ya Masu awo, yookhala evonyeiye ni musuwelelo anyu. Munnona?

<sup>99</sup> Munimoorwa mpakha Muttethe ni woona wira ori weiwe. Munnoona wira Yesu oohihimuwa. Owo ori eriyari ahu. Munniiwa Masu antthara mutthaka, nto nlelo khuhinaamini Iyo, moosuwela eniireya? Vano awo yaakhwiye mothakoni memme. "Nairaka etampi vootthuna nimanle-ene waakhela osuwela wa Ekeekhai, kuuvo-tho mukuttho wa etampi." Ti yeeyo Eliivuru y'aHeperi ennihimeery'aya.

<sup>100</sup> Nto vano nwehe, okathi onoon'ahu ithoonyeryo suulupale sa okathi wa wookiseryani mulaponi, wira Owo aahihimya, moota ennilopol'aya-tho wira okathi ori vakhiviru. Muhiye ohaamini. Mukhale vamosa. Naahaana ophentana mmosa ni mukhw'awe ni waamini, ni wiivalaaniha n'ulumwenku.

<sup>101</sup> Nwehe, awo khiyaarina othukumana paahi n'ulavula sa mutthaka. Yaahaana okela mwa yoowo, okela vathi v'ephome. Kahi orwa wira, "Moosuwela, Moise oonileela. Namitthaka, owo oohimya, owo oonileela wira naahaana okhalana ephome. Munoonela sayi yeeyo, amiravo?" Khiyaari yeeyo. Mmwiive mwaapwittipwitthi, nto muhele ephome eyo vasulu vale!

<sup>102</sup> Hiyo pooti orwa n'ukilaathi ni weemererya Masu, ni sothene sikina, masi khuhikhalana Ekanyeryo eyo, yooeera xeeni enniirih'aya? Hata yooeera. Mukhale vathi Vaya. Owo khaamuthokorerya hata mutthu ahaakhala vathi va ephom'ele. Ni Owo khonthokorerya mwaha wa khula mutthu, olelo, ohinkhala vathi va Ekanyeryo eyo.

<sup>103</sup> Amusi othene, yaakhala paahi oolipa okathi yaakhal'aya vathi v'ekanyeryo, ni ekanyeryo yoonihery'aya. Amusi othene! Munnaamini yeeyo? [Muthukumano oniira, "Amen."—Mol.] Olelo hiyo nihaana wuupuwela eyo, athu. An'ihu!



104 Nto omirav'ola wa ithiru ni rock-and-roll, ni itthu sinvirih'ahu-mo, ni aBeatles othene ala nno ni axiitthu, nto moosuwela wira sothene sinnooniheriwa mu Muliivuruni, ya Bibilia? Ennihimya yeeyo mwa Wiisuupulula. Vekeekhai, ennihimya. Moota atthu, awo, awo a—awo a...awo, awo, moone, awo, awo kahiyo...Awo t'okhwa. Awo khanwerya ohihimuwa. Awo khanakhaleke Oohimala. Awo hata khayaari Mmuupuweloni, tivo anoopweteya. Awo anoomalamala namukhuluwi-ru, omalamalihiwa othene. Awo anoohukummwa wa okathi n'ukathi woohaalikeleya, mwaha wa itthu siiraly'aya, masi khula etthu yaarina epacerelo ehaana emalelo.

105 T'ile ehirina epacerelo, ehirina emalelo. Ori mukhalelo mmosa paahi wa Ekumi Ehinimala. Mukhalelo mmosa wa Ekumi Ehinimala, hiyo niniilipiha mwaha wa yeeyo. Nwehe.

106 Yoxuwa, kapiitulu 2 ya Yoxuwa, namuttompe Mmalapo aaminni aahiiwa, ni amusi awe, khwaaruuha vathi va mukhoyi wooxeerya, yoowo waari ekanyeryo ya anamitthaka a Yoxuwa. Nlaikha no opwetexa na Muluku naattittimiha ekanyeryo eyo, nto yeeyo paahi, mmuttettheni mme. Vo yaari yoovekela ya Muluku, mwaha wa arumeyi Awe, Muluku aavekenly'awe ekanyeryo ela, nto yaari yeeyo paahi. Nkincala khama aari mukhulupale a mpooma, khama aari mutthu oowaaryaxa mpooma, khama yaarowa ekereja yuulupalexa mpooma, itthu sothene mpooma saahimora ohiya emp'ele. Muluku, aattittimihale ekanyeryo ele, paahi.

107 Nwehe, Yeriko aarimwiiwa wira Muluku aapaka itthu suulupale, masi awo khayaiwelenle olopoliwa iwo.

108 Ti siiso siry'aya atthu olelo aniiwa ele Muluku oniir'awe mwa miyaakha vakhani sookiserya, masi awo khanrowa wiiwelela. Owerya wuulupale wa mahala ni ithoonyeryo, ntoko Owo silaihenry'awe, "Ntoko saary'aya mahiku a oSotoma, siiso vanookhala." Moota Owo silaihenry'awe ntoko etthu yaarow'aya okhala! Nkawehani etthu yaakhumelenle oSotoma. Muupuwele, yaahikhala ethoonyeryo y'oSotoma. Masi namitthaka, a Malakhiya 4, ori wira "airihe mirima s'atthu otthikela w'axitiithi, axitiithi apentekosite, otthikela mBibiliani." Khokhanle okhalaka-tho Bibilia, etthu ekina. Ola wiisuupulula woomalela wa Muluku.

109 Nto mutthu oniira, "Ahe, miyo kinaamini epantt'ila, nkinsuwela ya Eyo."

110 Namitthaka eekeekhai a Muluku onoohokoloxeryani wa Etthu yothene! Munnona? Nwehe, eyo t'ile Eroho Yowarya eniir'aya, woohokoloxeryani mwa khula Masu a Muluku.

111 Mahala Awe yaahooniheriwa, ehukumu Awe ti yaattharelana. Awo khino yaahaamini wira yaari oolipa muhina

mwa ipa saya suulupale sa miromolelo awo yaarin'aya oYeriko, masi khusuwela wira khisaavanre etthu.

<sup>112</sup> Khino awo yaahikhala emosa wa...khino yaahikhhalana mmo enamuna emosa, yaahikhala aximiravo anli yaavolonwe mme, khuhimya wira ethukumanyiwe epyo yothene yoothommwa. Nto owo aahikhhalana...aahirumeela emp'awe ntoko ekereja, khuwaakhela anamitthaka; vano nto khwaahela othene mpooma mwawe, yaarowa waamini, vathi v'ekanyeryo.

<sup>113</sup> Muthiyana mmosa mwa elapo ele yothene yuulupale! Mwamuthiyana mmosa, ni ohifayi wawe, alakela aahoomoliwa khula ekereja mpooma, masi aahimwaamini namitthaka. Nto namitthaka aahihiya ekanyeryo, ethoonyeryo, ni Muluku aahittitimiha ekanyero. Ti siiso olelo. Muupuwele paahi, okathi orwiiy'awe namahonona a oviruwa wa Muluku, mutthokiheryo owo wothene waahimora, ekanyeryo yaahikhaliha emp'awe yoolipa. Kahi mwaha wo wira aari muthiyana ooloka; okhala wira aahikhhalana waamini ni aahihelela ekanyeryo.

<sup>114</sup> Vano ankhi owo iirale, "Ayo, ale yaari axilopwana ooreera murima, vekeekhai wookisivela mutthaka alaleyans'aya, masi, vaxariya, eniiweya ntoko y'elolo okhalana mukhoyi ule woothomeiwa vacanelani vaka, kinoopurulela mpaani tu"? Eyo yaamwiira emonre. Yaamwiira emonre. Muluku aattitimiha ekanyeryo paahi, siiso ntoko ekanyeryo y'ekumi ery'aya wEjitu.

<sup>115</sup> Yoxuwa aari nthoonyeryo na Yesu, okhala wira *Yoxuwa* enihimya "Yehova-moopoli." Owo aari nthoonyeryo na Yesu, aari oororomeleya ni ethoonyeryo ya ekanyeryo namitthak'awe aalaleny'awe. Yoxuwa aahikhala oororomeleya ni ethoonyeryo ya ekanyeryo ele. Othene yaari vathi vaya yaahoopowa, wEjitu. Othene yaari vathi vaya yaahoopowa, oYeriko.

<sup>116</sup> Ephome ya Mwaapwittipwitthi ti ethoonyeryo olelo ya Ekanyeryo, wira Eroho Yowarya ti Ekanyeryo y'olelo. Othene vathi va Yeeyo ankhalala oolipa. Othene ahinkhala vathi va Yeeyo khankhala oolipa. Mwa aHeperi 13:10 ni 20, Eyo eniihaniwa "mwaataano woohimala." Mwaataano wa khalayi yaari etthu emosa, ola ti wa Naanaano, ola ti "mwaataano woohimala."

<sup>117</sup> Muluku, anatiri a Muluku ootthukana n'Iphome, anninikhaliha ootaphuwa mwa etampi ni ehaaya, ni oovirikana n'atthu akina a molumwenkuni. Khamurina yo owaraka voovirikana; mutthu ti mutthu onoowerya owara voovirikana. Nyuwo muhaana okhala, voovirikana, muhina. Ekumi eri muhina; kahi owara, wiiwaraha. "Omwene wa Muluku kehiyo yolya ni soowurya, wala owara ikuwo; masi ovilela, oreera murima, othunku, ovilela, mwa Eroho Yowarya."

<sup>118</sup> Vano, anatiri anninikhaliha ootaphuwa mwa etampi, annooniherya wira Muluku kho—khotthokelenle etampi anyu. Davidi oohimya, "Ooreeriwa ti mutthu Muluku ohinimuhimyan'awe etampi." Nto Muluku khonrowa ohimiyana

etampi Ekanyeryo ele, okhala wira Ekanyeryo ti ethoonyeryo yoolinvwa wira Muluku ohaakhela. Nto nyuwo munkhalana ekanyeryo ya yeeyo, ehi-...waamini wanyu woothuma. Ni mookhalana ehisapo y'othuma ovuluxiwa wanyu mw'erutthuni mwanyu, wira mmukokhoreleke Yoowo ni owooniherya anatiri Awe ni owerya.

119 *Waataana Wa Naanaano* onihimya “ovarohana wa naanaano.” *Ephome* enihimya “Ekumi.” *Waataana Wa Naanaano* waataana wa Eroho Yowarya, Eroho Yowarya ekhalelaka onamoono wa ele Yesu Kristu ohihimuwenly'awe mw'alipa-ookhwa, ehoooniherya wira Yesu oomaliherya yoovekela yothene wa hiyo, ni mukumii olelo. Ekanyeryo ennooniherya wira Owo mukumii wira aisuwanyeihe Mmansawe ni hiyo, nimuttharihaka natiri Awe. Vano vanweryaneya sayi mutthu omusoma Bibilia ni woona wira Owo oolaiherya eyo, ni omoonno Kristu ohokolowa mahiku ala ookiserya ni mukhalelo wa Eroho Yowarya ni wiisuwanyeiha Mmansawe mukumi? Eyo Ekanyeryo. Eyo ethoonyeryo. Eyo ehisapo elinvwe.

120 Muhi, muhikhalakhale mulipanaka moonelo. “Kaahoono okiriirya erutthu ottuli waka. Ni—ni ka—kaahoono wunkhela etthu; kaahoono ephome mmatatani mwaka,” wala makhura. Wala—wala, “Koophwanya Ekharawu aka Yoopacerya.” Wala, “Kihina muRohoni. Kookhuwela. Koolavula ilavulelo.” Itthu iyo pooti okhala saana. Miyo nkirina hata nthowa ni seiyo, masi kahi yeeyo enlavul'aka.

121 Kinlavula mwaha wa osuwanyeya wa Ekanyeryo, Yesu Kristu, ohihimunwe ni mwa hiyo vano, aisuwanyeiha Mmansawe, wira alipiherye-tho Masu Awe yaalaihieriwe nihiku nla. Amen. Vano nyuwo ni Kristu munkhala mmosaru. Muluku ni Kristu ari mmosaru. “Nihiku nenlo, munoosuwela wira Miyo kiri mw'Atithi, Atithi mwa Miyo; Miyo mwa Nyuwo, ni Nyuwo mwa Miyo.” Ookhala Muluku owiisooniherya mw'erutthuni ya mutthu, aisooniha Mmansawe mukumi, nuvira miyaakha ikonto piili. Eyo ti Ekanyeryo.

122 Mwaahikhale memmo, nvolowe mwaakuvaka saana, apatthani. Pooti okhala vooxeleliwa saana. Khanisuwenle.

123 Wooniherya Mukhalelo Awe, *Waataana Wa Naanaano*, *Ephome*. Nto Eyo ekumii vano, epakaka milipiheryo. Nto okhala wira Owo ookhala, hiyo nookhalana ehaakhi ya sothene Owo othumaly'awe mwaha wa hiyo. Mulopwana orina opatiiso wa Eroho Yowarya, wala muthiyana orina opatiiso wa Eroho Yowarya, ookhalana ehaakhi ya itthu sothene Yesu othumaly'awe mwaha wa hiyo, tthiri eyo ti ethoonyeryo wira nookhalana. Iwo t'uwerya wa othuma.

124 Wira ntoko nlikanyiho nyuwo muniira, “Ahe, Munna Branham, muntthuna ohimya exeeni?”

125 Va, mukhalihe yo wiiweya saana, ni kintthuna wira nyuwo aretta mwiiwe ela. Nkawehani, vaakhanle wira kinvoliwa etala vooahalela okhwa, ni kisuwelaka wira nipattuuxa na mukatthe, wira, ninkhala epantte yaneexexe, vano khunarwa munna mmosa ni wira, “Epantte ya neexexe ela, Munna Branham. Moovoliwa etala; kuxakani yaneexexe ela.” Vano, moosuwela, kinoowerya okhala ootteeleliwa murima ni yaneexexe yeele mmatatani mwaka ntoko sinwery’aka okhala ni mukatthe mmatatani mwaka, okhala wira kookhalana ehisapo y’othumano. Kookhalana ekanyeryo enthuma mukatthe. Nto vaavo vo wookhala mukatthe; ni etthu emosa paahi, kinvarela ekanyeryo, yaneexexe enthuma mukatthe, kinoowerya okhala ootteeleliwa murima ni ekanyeryo ntoko sinwery’aka ni mukatthe.

126 Vano, mwaarine-ene opatiiso wa Eroho Yowarya, ekhanle Ekanyeryo wira mookhalana khula etthu yoovuluxa Yesu okhwenly’awe, ti yawinyu, eri mmatatani mwanyu. Munimoova wunlela?

127 Kapweha-ru mpoolosani mwaka, ni wira, “Ahe, nkisuwenle khama kinoowerya othuma mukatth’owo wala nnari,” Kinimookhwa etala. Masi muupuwele, namatumiha ahimya wira, “Kirina yoovekela emosa, Mwenye Branham. Isentavo miloko miili ni thanu, munookhalana nipattuuxa na mukatthe.” Kookhalana! Amen. Eyo ennimaliha mwaha.

128 Mwaha wa yeeyo hiyo nihinoon’ahu itthu sinci-ene wiiriwa olelo, Ekanyeryo khenooniheriwa, Ekanyeryo y’ekeekhai. Oh, hiyo nrina inamuna sothene sa iyoothelo, masi kinihimya Ekenyeryo y’ekeekhai.

129 Nkawehani, vano hiyo nasuwelaru ni wooniherya Ekanyeryo, Ekumi yaatthuneiye mwaha w’Ekanyeryo, Ephome ennillavula wa hiyo. Muupuwele, Ephome ya mwaataano yaasuweleliwa ni Ekanyeryo, ni Masu anninilipiherya natiri. Ekanyeryo ti ethoonyeryo wira othuma nihiireliwa.

130 Vano, mwaahikhale ooheliwa mwa yeeyo, ahe, vekeekhai, khamunrowa ophwanya etthu; nyuwo muneetta nviraka muliinyani mwa mavekelo, mutthikelaka ottuli n’ukhuma; mweettaka murowaka waltaari, nwehaka osulu, mutthikelaka ottuli n’ukhuma.

131 Masi, oh, munna, okathi Ekanyeryo ele emphiyery’aya okhalihwiwa mmu—mmu—mmurimani mw’anyu, ni munasuweleliwa wira iwo ohihimuwa wa Yesu Kristu mwa nyuwo, yookhala etthu enireya. Khiivo etthu enrowa woorukunxani. Munooosuwela vaniir’anyu mpantta. Wiiwelela woomalela Masu a Muluku othene onnootthuniheryani Ekanyeryo, ni hat’etthu ekina. “Ooreeriwa t’ule oneettela Sooruma Sawe sothene, owo onookhalana ehakhi ya Mwiri w’Ekumi.”

132 Vano, naavekelaka, nihaana okhalana Ekanyeryo wira nooniherye ni mavekelo ahu. Vano muhivonye okhalana eyo.

Mwaavekelaka, muhaana okhalana Ekanyeryo wira nvarelele vasulu va mavekelo anyu; mwaahikhale, mukhale nvekelaka mpakha Ekanyeryo orwa, okhala wira khamulaiheriwe waakhela eyo. Moone, muhaana okhalana Ekanyeryo ela toko; eyo ti ehisapo y'oliva, waamini wanyu wira mwaamini.

<sup>133</sup> Vano, ethoonyeryo yo wiiwelela voomalela. Woova woomala. Paulo onninihimeerya yeeyo, “Ephome ennilavula itthu sooreera saana.”

Nyuwo muniira, “Ephome ennilavula?” Ayo, Ephome ennilavula.

<sup>134</sup> Maphattuwelo 4:10, ninnoona wira Muluku ohimnye wira—wira Kayini...wala, “Ephome y'Apeeli yaanilavula okhuma vathi.” Ninnoona mwa aHeperi 12, wira, “Ephome ya mwaataano wa Kristu ennilavula itthu sooreera ovikana ele y'Apeeli.” Munnona? Ninnoona wira, Ephome ennilavula, Eyo ennilavula mwaha wa nyuwo. Ekumi eri mwa nyuwo ennilavula okhuma Ephome emwaraxiwe. Amen. Oh, munn! Kaanithuna atthu othene ewenrye-ene woona yeeyo. Munnona? Mwawerya-ru woona wira eyo exeeni, eyo Ekumi eri mwa nyuwo. Moone, Ephom'eyo ennoosuwanyehani ni Yeeyo. Eyo Ekanyeryo. E...Exeeni iyo, Ephome yoomwaraxiwa mwaha wa nyuwo; nyuwo mookupali, ni Ekumi ehoorwa mwa nyuwo. Mookhalana Ekanyeryo, eyo Eroho Yowarya.

<sup>135</sup> Vano naavekelaka, nihaana okhalana Ekanyeryo wira nooniherye ni mavekelo ahu, ntoko sihimaly'aka, nto vano ninnaamini wa hiyo ni ninnihelela Ekanyeryo ethhoko yothene, ntoko wEjitu, Yeriko, wala hata mwa Miteko 16:31. Ninnoona wira Paulo aahimuhimeerya mukhulupale a anakhotto muRooma, wira, “Mwaamini, munimoopowa nyuwo n'itthoko anyu yothene.” Mwahele Eyo amus'inyu. Mwakhalana mwaana ohooponwe, mmuhelele Ekanyeryo vasulu vawe, mwiire, “Pwiya Muluku, miyo kinnimunlela.” Mukhale vaavo. Mwakhalana maama wala oophentiwa mmosa orimenle, mwahelele Ekanyeryo eyo, mwiire, “Pwiya Muluku, miyo kinnimunlela.”

<sup>136</sup> Mukhumele ota, wa ikokhola sothene sa molumwenkuni, ota w'emp'anyu, mukhale oolikana wa Yeeyo. Mwaapahe akaputtul'anyu. Murihele mees'anyu a iturufu. Mwaakumihe asikaro anyu. Murihele ohaamini wanyu ni ipaphelo sanyu sa mukereja mulaathani mwa ikokhola, memmo siniir'aya mpantta. Amen. Vano munikhala oolikana. Vano exeeni yo wira? Vano muhelele Ekanyeryo mwa mavekelo, ni ekeekhai yowooneya, waamini w'ekeekhai. Muhelele Yeeyo, muhelele Yeeyo ni nrromelo. Mwahelala Ekanyeryo, musuwele wira moothuwa. “Vakhala wira mirima sahu khasinnilamula, nto ninookhalana envekel'ahu.”

<sup>137</sup> Nyuwo atthu mwaakhalaka-ru mwiiraka itthu iyo soonanara, munrowa onvekela sayi Muluku owiirelani ethhu

p'itthu musuwelaka wira moovonya? Mwaha wa yeeyo hiyo ninvevey'ahu nirowaka ni oveleyela nitthikaka. Nkinihimya ela wira kisikulihe. Kinihimya ela wira kookolele, wira kikhalihe itthu oratteene. Munrowa oteka sayi vasulu va milepe sa oSotoma ni oKomora? Mutthike!

<sup>138</sup> Oxirikha ni arumeyi animwaahiya atthu wira etthu p'itthu, ni waahiya, n'uhela nsina naya muliivuruni paahi ni owiihana *ela, ele*, ni *ekina*, ory'ene otakhaliwa. Ni eroophiyerya wira waamini etthu emosa ehikhanle hata...hata ehinsuweliw'aya hata vakhani wira exeeni iyo. Awo, awo arina ororomela, masi kuhiyo waamini.

<sup>139</sup> Muhaana otthikela ottuli, wa, sothene sintokosiw'aya saana ni sooreera. Vano mukuxeke Ekanyeryo anyu, munsuwel'anyu wira ti Yesu Kristu mwa nyuwo, vano muhelele Yeeyo. Yaahikhumelele etthu, yookhala evonyeiye; mutthikele-tho ottuli, mookhalana etthu yoovonyeya mmatatani mwanyu. Owo oolaiherya eyo. Ti Yoowo olaihenrye. Muhelele Yeeyo. Musome aEfeso 2:12, emaara ekina, mwa—mwatthuna vale, munimoona memmo.

<sup>140</sup> Nwehe mwa aHeperi 9:11, nave-tho. Paulo oohimya, "Omurumeela Muluku mukumi, ni miixuttiho sikumi." Kahi ohimya paahi wira kaamurowa ntoko muHeperi aarowak'awe, okuxa mukuttho awe, n'urowa attharaka ephiro, ni mwaanyompe awe muulupale ooneneva, n'uhela matat'awe vasulu vawe ni wiisuwanyeiha, n'uyeehi ephome, otthika okhalihwe-ene naxariya. Yehova aaphavela yeeyo. Owo aaniphavela. Vano nloko noottharelana, khino awo yaahikhala ooriirya vakhani; mutthu mukina, khukhala ooriiryaxa vakhani. Naanaanoru, khukhala elimalelo ya mw'emusini.

<sup>141</sup> Ti yeeyo okhanle Pentekosite wa hiyo, elimalelo ya mw'emusini. Hiyo ninoorowa, wira, "Otthekula iwe wa mutelevisawuni khiwaari wooreera olelo ohiyu? Kinniikoha etthu awo yiir'aya okereja? Pwiya Yesu, nvonihe..." Oh, ikharari! Munnona? Eyo elimalelo ya mw'emu-... "Moosuwela, kaahilavula ilavulelo nihiku nle. Miyo kiniira mpantte wa *ela*, wala *ele*, moosuwela. Uh-huh." Oh, eyo elimalelo ya mw'emusini!

<sup>142</sup> Moosuwela etthu Muluku ehimaly'awe? Muluku ohimye wira, "Soonuna sanyu ni amwaapwittipwitthi anyu annikinkherya mphulani mwaka. Ti yeeyo, mikuttho sanyu sinkhala soowunkha."

<sup>143</sup> Nto ti siiso mikuttho s'aPentekosite, ni onyakulihana wahu wothene wa miromolelo ni soowiira soohifayi, ni athiyana ahu n'alopwana yiiraka ntoko siniir'aya, wooneya ntoko oothunku; opaka masipo, ni mutthu ontupha nno ni nno vakhani; nto vaamala, ntoko mucoma wa maasi yittheliwe vaavo, vakhala

wira Masu a Muluku animoorwa n’uhimya etthu. Mulattu ene zeeni? Mikuttho sanyu siroopacerya wunkha ohooolo wa Yehova.

<sup>144</sup> Nto waari okathi yoowo Yesaya aakhumelenly’awe, khwaahimeerya wira, “Kinimoovahani ethoonyeryo ya mahiku othene, mwali harusisi onoorupala.” Moone, eyo vo. Kahi inamuna sookhwa ni iyaaminelo, nnari; masi miixuttiho sikumi, Muluku mukumi ohihimunwe mw’alipa-ookhwa, ni onkhala eriyari ahu.

<sup>145</sup> Akina aya, ikereja iya ntoko seiyo, sinaamini itthu iya, awo annikhootta wira yookhala etthu ene eyo ntoko Ekanyeryo. Ahe, mutthu mmosa aaheererya okileela wira, “Arummwa muloko nanli paahi ti yaakhenle Eroho Yowarya. Ti yeeyo tu yaakhanle. Ayo.” Oh!

<sup>146</sup> Masi hiyo ninaamini Masu, ninsuwela voovirikana, hiyo noosuwela wira ola Mukhalelo mukumi. Tthiri ninsuwela sayi wira Mukhalelo mukumi wa Kristu, Eroho eri eriyari ahu? Eyo eniira etthu emosaru Owo oniir’awe. Eyo ti eyooniheryo aya. Mwiri wa eviteera onsuweliwa ni mihokorokho oniim’aya. Vano nto vakhala wira mwiri ule woopacerya waahirwa vano awo khulepa Eliivuru ya Miteko ottuli waya, nto etthu emosaru Yesu iiraly’awe, arummwa yaahiira; vano okathi mwiri ule onrw’ayatho, oniira etthu emosaru. Moone, aHeperi 13:8 anihimya wira Owo mmosaru, oh, wulu, ennooniherya wira Muluku oomuhimuxa Owo mwaha wa hiyo, attharihaka Masu Awe oolaiheriwa. [Nipuro vahiitthu mufiitani—Mol.]

<sup>147</sup> Ekanyeryo ya natiri! aEfeso 4:30 annihimya, “Muhiriipihe murima Eroho Yowarya ya Muluku, yeeyo mutthittiw’anyu ekanyeryo mpakha nihiku no woopoliwa wanyu.” Kahi mpakha muhakalaliho ontharelana. “Mpakha nihiku no woopoliwa wanyu!” Mury’ene oopatisiwa mwa Yeeyo, ntoko aKorinto Oopacerya 12. Ni mwa Yoowo ori omalela, ni khiivo etampi enooniwa mwa Yoowo. “Ole oyariwe ni Muluku, khaniira etampi. Epyo ya Muluku enkhala mwa yoowo, nto owo khokhanle wira etampi.” Onwerya sayi owo, Ekanyeryo ery’ene vale? Ekanyeryo ti ethoonyeryo wira owo ookupaliwa.

<sup>148</sup> Nto, ahe, nyuwo muniira, “Miyi kinniira etampi.” Ahe, vano nyuwo khamunatoko okhalana Ekanyeryo. Munnona?

<sup>149</sup> Ekanyeryo t’ikhottiheryo, enooniherya wira ehisapo yoolinwa. Satana eererya-ru wooruuhelani...Muupuwele yeela paahi. Satana eererya-ru wooruuhelani eretta, wala weererya wooruuhelani etthu, moosuwela yo wira? Mmoonihye Ekanyeryo anyu. Tthiri, eretta ennimmana muKristu. Mmoonihye Ekanyeryo anyu, ni mmooniherye wira nyuwo mwa muhokorokho othummwe wa Muluku. “Mmukhootteke xetwani, nto owo onimootthiyawa-ni.” Nvarelele Ekanyeryo vasulu va waamini wanyu ohinttikinyeya mwa Masu Awe oolaiheriwa.

<sup>150</sup> Muluku aahitoko ovaha ethoonyeryo y’ekhweyi ntoko ekanyeryo. Kinoomaliha. Aahivaha ethoonyeryo y’ekhweyi ntoko

ekanyeryo. Kookhalana minuutu soophiyaka ntoko muloko, nto numala ninookhalana eliinya ya mavekelo. Owo kweekwe aakhala oororomeleya wa ekanyeryo eyo. Owo aahikhala? [Muthukumano oniira, "Amen."—Mol.] Owo nlelo onnikhala. Miyaakha iya sothene ikonto sene, Owo khonatoko ovonya, hata emara emosa, wooniherya eyo. Owo aari oororomeleya ni ekanyeryo eyo, ennooniherya wira Owo khonatoko... ni khonkhalakhala avonyaka ottittimiha ikanyeryo Sawe. Nkincala sinto eyo...

<sup>151</sup> Yesu aahirwe mwa miyaakha ikonto muloko, nyuwo mookhalana Ekanyeryo, Owo nlelo ohaana ottittimiha Eyo. Hata wira ithu sinrukunuwa sayi, ni etthu p'ithu ekina, Owo ohaana ottittimiha Ekanyeryo eyo. Owo ohimye wira aamwiira. Vaareera. Owo onniwehererya hiyo vano wira nooniherye Ekanyeryo Awe, vasulu va waamini wahu ovahiw'ahu ni Muluku, wa khula ekokhorelelo y'ethiru yoohaamini mulaponi ni molumwenkuni, enaamini wira ithooneryo ni sootikiniha khasinaatthara alipa-ooawaamini. Ni okhala oororomeleya ni Ekanyeryo ela, ni Eyo enooniherya wira ettikitti ya mukwaha yoolinwva ni hiyo nookupaliwa wa ohihimuwa, nikhalanaka Ekumi y'Ekanyeryo muhina mwahu.

<sup>152</sup> Owo Mutthaka woothikila, masi Ekeekhai. Ti yeeyo entthun'ahu, ti Ekeekhai. Muluku anikhaliherye osuwela Ekeekhai. "Munoosuwela Ekeekhai, vano Ekeekhai yeeyo enimootaphulani." Miyo kinnihimya wira Yesu Kristu mmosaru nsana, olelo, ni mahiku othene. Kinnaamini wira Muluku onnivaha Eroho Yowarya ntoko Ekanyeryo, naanaano va, okathi vakhani ohinatthi okhuma, wa mwa—Mwaakameliwa okhuma mukereja.

<sup>153</sup> Kookupali wira khereere ethiru yinci-ene, ni atthu ehimya wira yaahikhuwela, aalavula ilavulelo. Kinnaamini ithu iyo; masi muhilipaneke yeeyo. Munwerya sayi olipana yeeyo, vano nto khunakhoota Masu? Munnona?

<sup>154</sup> Ekanyeryo Masu oosuwanyeihiwa mwa nyuwo, ekhalaka Mmansaya. Owo Muluku akhalaka mutaphuleli Awe Mwaneene. Khamurina wiiraka, "Ahe, vano, mutaphulele elavulelo aka." Kahi yeeyo. Owo ontaphulela makhalelo anyu ni Masu. Owo onkuxa nuulumo nanyu, ele mukhanly'anyu, ni osuwanyeiha Masu Awe mwa vaavo, awo khandthuna hata mutaphulelo, ari vaavo. Muluku onniira otaphulela Wawe Mwaneene, nto hiyo ninnikhalana anatiri ala wa mahiku ala.

<sup>155</sup> Oh, Dallas, nyuwo nikhuru n'aKristu oophenteya, muhikuxiwe ni ithu iya s'olelo, munoon' anyu sirowaka, okhala wira sinoorowa opweteya. Mooniherye Ekanyeryo yeeyo mahiku othene, muhele v'atthuni Ekenyaryo yeeyo. Mmusome Bibilia. Mphiyerye khula etthu. Nto erooho anyu mwa nyuwo



yaahiireleke “amen” Yeeyo, weso vaareerela mutthikele ottuli, mwaakakhanye eyo murin’anyu, ni Ekanyeryo; khamurina Eyo.

156 Koosuwela wira ti yoowaatta vanci-ene okhala kihimyaka va oxekuwa omosa. Ni vano ewoora ya neexexe ni minuutu miloko miraru. Owo okathi vano, nto nawerya-ru okhuma ewoora ya neethanu ni eliinya ya mavekelo.

157 Munnaamini wira Yesu Kristu ookhala ni onniruma olelo? [Muthukumano oniira, “Amen.”—Mol.] Munnaamini wira koohimenry’akani Ekeekhaii? [“Amen.”] Eyo Ekenyeryo, yoothunaneya. Kinwerya paahi olavula ele eri Ekeekhai. Kinlavula paahi ele enoon’aka, ele eniiw’aka, ele enuupululeliw’aka. Ni enihimery’aka ela, wa imaara ikonto miloko imaara ikonto miloko sene, khuuvo hata okathi mmosa etonko aya ovonya okhala ekeekhai, vano owo ohaana okhala Muluku. Owo ohaana okhala Muluku. Ahe, Muluku aammuvaha muteko ntoko owo mutthu ahaasuwela etthu onihimy’awe? [“Nnari.”] Owo aamurowa wiisuwanyeiha Mmansawe ntoko namoon’ole iwe, vano nto anarukunuwa n’unvaha Masu ootapanyeya? [“Nnari.”] Mutthu onikhootta Eyo, t’ule okhanle ootapanyeya. Ni Muluku kahi ootapanyeya. Muluku ti mutaphuleli Awe Mwaneene.

158 Mwaakhele Ekanyeryo! Muhimumuleke vasulu va wiitakanya mukereja wala elimalelo, wala etthu p’itthu. Mphwanye Ekenyeryo! Nvarelele Yeeyo. Eyo t’itthu emosa paahi Muluku onrow’awe osuwela. Mwaarwaaka okathi uwo, vaphiyerya-ru okhwa wanyu, vanreerela nvarelele Ekanyeryo eyo wa nyuwo; musuwelaka wira nihiku na orwa Wawe, ohihimuwa iwe, kinoowerya wooniherya Ekanyeryo eyo. Nkinrowa okhala mw’erutthuni mu, ehintta. masi muRohoni mu, ehinkhwa, eyo Ekumi Ehinimala, Ekanyeryo emmumula vaavo. Nto Owo oolaiherya, “Miyoo kinoomuhihimuxa nihiku nookiserya.”

159 Yesu Kristu yoole ori vaava. Owo ti Namitthaka. Owo ori... *Va* ori Mutthaka, ni Owo ti Namitthaka va wira asuwanyeiha Mutthak’Awe. Miyoo nkihiyo Namitthaka. Owo t’okhanle Namitthaka, ni *Ola* ti Mutthaka ene. Nto nyuwo mwakhalana erooho enivaanyiha *Yeeyo*, vanweryaneya sayi okhala Namitthaka a Mutthaka? Ekanyeryo paahi t’enrowa osuwanyeiha Owo. Amen.

160 Kinnoona okhala natiini. Vekeekhai kinnoona. Kinnoona ntoko kaamuwerya ovava naanaano va, maana kinnimusuwela Ole onimwaamini aka, ni kinnoonaka makhalelo aka osuwanyeihiwa ni Yoowo mohihimuwani mw’Awe. Mukhalelo Awe ori vaava. Mukupali Yoowo, apathani, xontte, muhina mmurimani mwanyu.

161 Koosuwela wira hiyo othene ninrwa osulu nno orukurerya waltaari n’uvekela. Owo muupuwelo wa khalayi w’eMetotista.

Awo khanatoko wira eyo mBibiliani. Biblia ohimnye wira, “Othene ale yaamini yaanipatsiwa.” Ti yeeyo. Khiivo etthu iyo ntoko wiihana waltaari mBibiliani. Eyo etthu nincerenry’ahu, ekhanle saana. Etthu p’itthu Muluku onireerih’awe, eri saana.

<sup>162</sup> Ntoko anttikithel’aya ikuwo makhura. Eyo khenakhaleke mBibiliani. “Yaakuxiwa maleeso v’erutthuni va Paulo ni ikuwo.”

<sup>163</sup> Masi khula enamuna entthun’anyu wira, eri saana, vakhaterani vanyu, waltaari, nipuro pi nipuro. Etthu ene emosa, mwiihelele Yeeyo, Ekanyeryo wa nyuwo. Numala mwiiwehe, nwehe enamuna xeeni ya makhalelo ankhumela, moone vakhala wira Eyo yooheliwa wala nnari. Eyo yiira ehiheleliwe, muhiye etthu p’itthu murin’anyu, epantte aya, mutthike, mpakha Ekanyeryo eheleliwe.

<sup>164</sup> Nivekele. Tithi a Wirimu, khino ko—ko—koolavula voowaakuva, masi, Pwiya, epereku enrowa olipa sayi ehikhanle wira enookhomakeliwa? Kinnivekela, Tithi, wira ekhomakeliwe mmurimani mw’atthu, wira awo yoone wira kahiyu etthu yoovirikanya. Kahi wira kineererya osuweliha mutthenkeso khata, nihimo khata, etiini khata, mutthu, wala yoomi, wala mutthu mukina. Ti Yesu Kristu. “Kinookhaliha mitthenkeso iyo sothene vamosa,” siri mithanu na mosa sa mmosa ni etuusiya nuusu ya mukina, vootthariha Masu Anyu. “Mai namuttompe a khalayi,” Biblia mwa Wiisuupulula 17, “aari mai a khula mmosa a anamararuwa.” Ni khiyaakhanle okhalaka alopwana. Awo yaari anamararuwa athiyana, ni othene aya yaahirowa voolilini va olumwenku. Ni hiyo ninnoona wira ehiira, aPentekosite ni sothene.

<sup>165</sup> Masi, Yesu, Nyuwo nlelo munkhala Yesu. Mwaahiye awo ehiiwelele mutthaka wa ekereja; masi Mutthaka wa Kristu, Masu. Nyuwo mwiisuwanyeihe Mmansinyu, Pwiya, n’alipa-oowaamini. Mwaavonihe aretta othene. Munlevelele itampi sahu, Pwiya. Ki—kinvekela, ntoko murumeyi Anyu, xontte mukilevelele itampi saka, ni mulevelele itampi s’atthu ala. Kinniroromela, Pwiya. Khula mmosa a awo vekeekhai ookhalihera mwa soovaha, wira eliverye ma—mampa, ni awo aarumeela musurukhu aya, ni awo ahi—awo ahi—awo ahiira sothene, Pwiya. O Muluku, kinvekela wira ahikhale hata mmosa a awo onihaleela eyo, Pwiya. Wira othene!

<sup>166</sup> Miyo—miyo kiniira eyo n’ixariya, nnakhala vo, Pwiya, siiso mukhanle-ene oowuuma murima. Hiyo noosuwela, ottharuxa ophentaa. Ophenta ti woottharuxa. Nto kinnivekela. Maana mwaha wa yeeyo Nyuwo mwaattharuxaly’anyu atthu Anyu, yaari mwaha wo wira Nyuwo mwaanaaphenta, ni khula etampi ehaana waakhuliwa mwaha wa yeeyo.

<sup>167</sup> Nto, Tithi, kinvekela wira Nyuwo munlevelele itampi sahu vano, okathi onlap’ahu. Hiyo noorowa ottaiwene, Pwiya. Miyo kinsuwanyeihiwa n’atthu ala aPentekosite, Pwiya. Miyo—

miyo ka mmosa a yaawo. Ni ki—kinnivekela, Muluku, wira Nyuwo munlevelele hiyo othene. Ni mwaakuxe amosa-amosa w'ahooli ala ni mwaarukunxe, ni—ni mwaahiye ewehe oKalvario iwe emaara emosa, vano nto anooliyala ele arin'aya okhala, humu wala pixipu, wala enakhaleru etthu p'itthu, ni esuwele wira khanihiyo atthu aalupale Momweneni mu. Hiyo othene n'ana a Muluku. Kinvekela wira Nyuwo munikhaliherye. Mwiisuwanyeihe Mmansinyu eriyari ahu, olelo. Hiyo ninvekela mwa Nsina na Yesu Kristu. Amen.

168 Vano nihinatthi opacerya eliinya ya mavekelo, siiso okhanlene mutthu va ohinatoko okhala va khalayi. Nkinsuwela nyuwo mw'ani, masi Muluku onnoosuwelani. Vakhala wira kihimnye Ekeekhai, Muluku asuwanyeihe, yaakhanle-ene Ekeekhai wala nnari, eyo ti elipiheryo aya. Vakhala wira Owo oohihimuwa mwalipa-ookhwa, Owo mmosaru nsana, olelo, ni mahiku othene. Owo oohimya mwa Yohani 14:12, "Ole onaamini," kahi ole oniipaka waamini. "Ole onikaamini Miyo, miteko sinvar'aka nave-tho owo onoovara." Eyo ekeekhai?

169 Ookhala iirale, "Suulupalexa onoovara." Eyo ekeekhai. Khwira, "Ahe, hiyo ninlaleya Ehapari yooreera, eyo ti yuulupalexa."

170 Mwiire itthu Owo iiraly'awe, eyo enookooniherya, moone, nto ninoolavula sa yuulupalexa. Kinoowerya owoonihani itthu suulupalexa Owo onvar'awe vano ovikana siiraly'awe okathi Owo aary'awe elapo ya vathi, ni eyo kuhiyo olaleya Ehapari yooreera paahi, nave; eyo ti wi mwa ithoonyeryo ni miiriirya. Khuuvo okathi wa seiyo. Mwaamini paahi. Nto Muluku a Wirimu, Yoowo omuhihimuxale Yesu Kristu mw'alipa-ookhwa, ni onimooniherya Owo va mukumi, wa hiyo, sivinry'aya miyaakha ikonto piili, osuwanyeiha Mutthak'ola, wira Ti woolikana. Ekanyeryo ehaana oheleliwa.

171 Vano, nyuwo murina iretta ni mikattyamiho, nvekele, vaxariya-vo mwiire, "Pwiya, kinnaamini wira Nyuwo mwa 'Namukuttho Muulupale onwerya omoriwa ikharari mwaha w'otteetheya wahu.' Ni hiyo ninnihimeeriwa ni murumeyi ula va, wira Nyuwo muri ni hiyo, vaava, vano kintthuna wira Nyuwo mukhale vaava ni hiyo ni mwiisuwanyeihe Mmansinyu." Vano nvekele, khula mmosa a nyuwo.

172 Vano eyo ti ya Muluku ohimya etthu. Okathi xeeni! Oh, wulu! Kaatthuna nwenry'ene osuwela etthu, moota munoon'anyu Eyo yarwa vale, olumwenku wothene onkhala wawinyu. Amen. Khaavo hata xetwani onrowa wira etthu, owo ti yoopattuxiwa exinttiwe. Pwiya'aka ori vaava. Sothene siri mmatatani mwahu. Amen.

Xontte mukhale omaala saana. Muheette. Mukilaathi mmaale.

173 Nyuwo mukhaterani mwa iroota, ni itthu, muhuupuwele wira m'onyanyaliwa. Mwaamini. Nyuwo—nyuwo, nyuwo moovira muliinyani mwa mavekelo, ni moovonya khuvonya. Khaari murumeyi oovekelenle-ni, aavonyale. Ti waamini wanyu, nto nyuwo moopacerya wuupuwela wira khamunrowa wira hat'etthu. Nyuwo mwaamini.

174 Va, va ori Waarya nno va, vasulu va muhano mmosa ooriipa okilante ottuli nno, eemenle ni matata osulu so. Ayo. Nyuwo mwaamuvekela. Ayo. Munnaamini wira ka profeta Awe, wala ahiisa murumeyi Awe? Nkaakhanle ohimyaka eyo, okhala wira ennaakwattula atthu vanci-ene. Nyuwo murina yooreera . . .

175 Va ori mulopwana mmosa mukunya, muthiyana ooriipa, siiso ntoko saary'aya Pwiy'ahu ni muthiyana veehimyeni, makhuli maili oovirikana. Owo ahaahimeerya wira khiivo evirikanelo mwa makhuli. Makhuli ahu kharina naata n'iyoyi. Hiyo othene na . . . Naamuwerya ovahana ephome mmosa ni mukhw'awe. Muluku opanke, a ephome emosa, maloko othene.

176 Nyuwo munwereiwa muru, owereiwa muru wo woopiha. Vano mookhalana muritti vamurimani wanyu, eyo ti ya mwaan'ole. Ni nyuwo . . . Owo oohaaxeya. [Munna muthiyana oniira, "Amen."—Mol.] Eyo ekhweeli. Eyo ekeekhai? ["Amen."] Ti yeeyo.

177 Muhan'ola okilante vakhiviru ni nyuwo vo, onkhala ntoko oosuwanyehiwa ni nyuwo, yoowo okhanle mai inyu. [Munna muthiyana oniira, "Amen."—Mol.] Ti yeeyo. ["Attotopeliwe Muluku!"] Ni ookhalana etthu ehilonke ni yoowo.

178 Munnikaamini, muhano? [Mai oniira, "Amen."—Mol.] Munnaamini? Mukattyamiho anyu owereiwa mpararini mwanyu. Ti yeeyo. Ti niparari nanyu moonoo woolopwana ninwerya. Eyo ekeekhai? Nvenxe ntata, yaakhanle-ene ekeekhai. Khaninrowa woohaaxani-tho. Munnaamini vakhala wira Muluku onooowerya okileela nyuwo mw'ani? Muhano Lowell. ["Amen."] Vaalikana. ["Amen."] Vaareera, rowakani, Apwiya Yesu annoovahani yoovekel'anyu.

179 Wookiseryani wene iwe ookhala muhano mukina ooriipa okilante, awehaka, yeeyo paahi—ntoko wira omuthikila kapatti-kapatti. Owo onikiweha miyo. Owo onnaamini. Eyo, khamunooona Etthu ile vaavale vale vakhiviru ni yoowo? Owo onwereiwa esyo. Eyo ekeekhai. Yoomala vano; Owo ohoovonihani. Amen.

180 Xeeni ohaaminiki? "Mwaaweryaka waamini, itthu sothene sinniweryaneya." Munnaamini yeeyo? [Muthukumano oniira, "Amen."—Mol.] Va eri . . . Nkaaweheni atthu ooriipa! Waamini wanyu ori vayi, atthu akunya?

181 Va ori muhano mmosa ooriipa okilante vaava va, onikiweha miyo, muhano mmosa ntoko muulupale. Owo ookhalana mukattyamiho ni nikutha nawe. Owo ookhalana-

tho mukattiyamiho, owo onwereiwa murima. Ayo. Ni ookhalana otteetheya, murima omutthimaka ni itthu siiso, vanci-enexa mwaaphavelaka wumpaathi, ottiyeya iphumu. Munnona? Eyo ehiiraneya nsana ohiyu. Muupuwele, nkinisoma muupuwelo anyu, masi koosuwela etthu evekenly'anyu. Mwaatthuna wira mwiihaneliwe yeela, olelo, nto Owo oowaakhulela-ni. Vano nyuwo nave-tho onkhala wo woorikelani ovenya, okhala wira annoowereyani makhonyokhonyo. Eyo ekeekhaii. Vano nto, etthu ekina, muhaana eretta ya napwiipwi, okhanle muwi muhina mwa napwiipwi. Eyo ekeekhaii. Vano munnaamini wira miyo ka profeta Awe? Kinoohimya, khula enamuna. Mwaamini, munookhala mukumi.

<sup>182</sup> Ankhi eretta *anyu* ya napwiipwi? Munnaamini wira Muluku onoovoniha eretta ya napwiipwi anyu, mukilante vo, nave? Munnaamini yeeyo? Vaareera, vano munoowerya okhalana ovona wa napwiipwi anyu. Amen.

<sup>183</sup> Munthuna ohiya onvura sikaro, vo, muhano? Munnaamini wira Muluku onimoohiha-ni onvura sikaro? Muri mwehereryaka okathi munci-ene. Mookhalana eretta ya napwiipwi, nave; munnikhala mwehereryaka waahiya asikaro. Ti yeeyo enoowereihani napwiipwi. Munoorowa waahiya? Miyo kinnaaviruwela awo wa nyuwo, mwa Nsina na Yesu Kristu, mwaha wo waamini wanyu wo omukwanyana Owo.

Kinnootharimulani wira mmwaamini Muluku!

<sup>184</sup> Va ookhala mwaamuthiyana okilante vale anvekelelaka awawe . . . oophentiwa mmosa oxipiritali, onkhwa, ni kankuru. Khweeli. Ti haalu. Ti yeeyo. Nyuwo nave mwa . . . Nyuwo mwa mwaara a murumeyi mmosa. Mwaamini ni murima wothene, mulopwan'owo onookhala mukumi.

<sup>185</sup> Kinnootharimulani wira mmwaamini Muluku! Exeeni iyo? Osuwanyehiwa, Yesu Kristu ule. Nyuwo muniira, "Kristu exeeni?"

<sup>186</sup> Owo ti Masu. "Wopaceryani naari Nsu, Nsu naari ni Muluku. Nto Nsu naahiipaka erutthu khukhala ni hiyo." "Masu t'owiithaxa onvikana xoowa oniitha nno ni nno, anlamula miyuupuwelo ni sinthun'aya murima." Khamunwerya woona wira Masu ahoorwa eriyari ahu mahiku ookiserya? Eyo Eroho Yowarya enkuxa Masu a Muluku ni emusuwanyehaka Yesu Kristu, okhanle Ekanyeryo. Amen. Nyuwo munnaamini? [Muthukumano oniira, "Amen."—Mol.]

<sup>187</sup> Akavi arina ittikitti sa mavekelo? Othene epant'ila nno arina ittikitti sa mavekelo, yeemele eliinya ela *nno*. Nvenye paahi, othene epant'ile, epant'ile paahi yeemele nno munvireloni. Nnari, munvireloni wa moonoo woolopwana, xontte, vaavo. Anamakhaliherya, mukhale vooপুরoni vanyu. Nto okathi ankel'aya, akina evenye, numala ovira, nto nno ni nno ni epantte ekina. Vano atthu othene ekhale oottittimiha.

188 Eroho Yowarya yookuxa muthukumano, vano yaahikhala yinci-ene yoochimwa ni wiiriwa wira yooniherye. Akavi anaamini wira Owo ori vaava? Akavi anaamini wira eyo Ekanyeryo? Akavi anaamini wira awo Masu? [Muthukumano woopacerya otthapa—Mol.] Nkawehani, akavi ansuwela wira Eliivuru y'aHeperi yoochimya, wira, "Masu a Muluku annilamula miyuupuwelo siri mmurimani"? Akavi ansuwela yeeyo? Akavi ansuwela wira mwaha wa yeeyo Yesu aawery'awe olamula miyuupuwelo mmurimani mwaya, okhala wira Owo aari Masu? Akavi anaamini yeeyo? Akavi anaamini wira ti yeeyo yaari ni maprofeta? Awo yaari ale jaarweela Masu. Vano vakhala wira Masu annitthikela wa hiyo, Awo khanrowa wira vamosaru? Vano vanweryaneya sayi Masu ansuwanyeiha Masu, okhala oovonyeya ni Masu? Oh, ikharari! Oottittimiha!

189 Eyi, muhan'ola okilante va, owo ookhalana etthu vamurimani wawe, nave. Kirimwiira oorukunuwa khuvara eyo. Nyuwo khamuhiyo Muhano Grant? Miyo nkinasuweleke eyo. Masi nyuwo mwa Muhano Grant, okhala wira kinniwoonani ni yeeyo. Mookhalana eyuukhuwelo enooxaaxani. Mookhalana, mwan'inyu mulopwana ookhalana etthu ekina. . . ephome awe, ntoko, enoottonya. Kinootharimulani wira mwaamini! Amen. Owo ti Mwiixuttihi a yookhumelela. Owo ti Mwiixuttihi wa okhwa.

Nivekele.

190 Pwiya Yesu, Mukhalelo Anyu onittikitthelaka, va mpaani mu, ni hiyo noosuwela wira ela Eroho Yowarya, kinnivekela, Pwiya, wira Nyuwo munvonihe khula mutthu onrowa owara maleeso ala.

191 Emaara emosa, ninnixuttihiwa mBibiliani, wira atthu Anyu, ery'ene mmutekoni, yaalapuwa Ephareya Yooxeerya, nto ephareya khukela ephiro aya, erowaka muttethe wa natiri. Muluku aahiweha vathi ovira Nripu na Mooro nle, ni maitho a oviruwa, vano ephareya yaahoova, khutthikela ottuli, nto Isarayeli khurowa muttethe wa natiri, ery'ene mmutekoni mwaya.

192 O Pwiya Muluku, maitho Anyu ewehe eviraka Ephome ya Yesu Kristu, vathi muhina wa Ekanyeryo ela va ninvarel'ahu vasulu va maleeso ala olelo. Ni wira atthu othene anrowa owara ala, eretta yoove, eyo ethhikele ottuli yaahiye atthu Anyu emulapuwele natiri a ekumi yooloka. "Mavekelo aniiriwa ni waamini anoomoopola muretta." Mwa Nsina na Yesu Kristu, ekhale siiso. Amen.

193 Alaleyi akavi anaamini aMetotista ari va, alaleyi aPatista, alaleyi aPrespiteriyaano, alaleyi aPatista, aLuteraano, wala aPentekosite? Akavi a nyuwo munaamini wira Ela ekeekhahi? Murwe va mweemele mukaattamele okathi onaavekelel'ahu aretta. Murwe vasulu va, alaleyi othene anaamini.

194 Ti yooreera, kahi siiso? Munna Grant, ti yooreera? [Munna Grant oniira, “Vekeekhai.”—Mol.] Uh-huh.

195 Murwe va, munna. Munna Grant ookhalana orumeyi wo waavekelela aretta. Mulopwana oominyala, mutthu ooreera murima, mutthu mmosa Muluku onimwiiw’awe ni onimwaakhul’awe mavekelo, Munna Grant. Kootteeliwa murima ompweherya moonoo aka olelo ni ohimya yeeyo, ni munn’aka. Vano onrowa okhala vathi va avekelaka ni miyo.

196 Mwaarwaaka nviraka eliinya ela, ntoko wira mwaarwa vathi va mwiikimanyo. Axinna, mpake iliinya piili nno, wenna nno. Mpake iliinya piili; akina nno, akina vathi vale.

197 Munna Roy Borders, muri woowi? Munna Roy Borders, koono wira ori vaava. [Mutthu mmosa oniira, “Owo onrowa okhala ottuli.”—Mol.]

198 Nkawehani, w’arumeyi, khamuntthuna! Nkawehani vale. Eyo ennikooniha oreera, axinna. Arumeyi a vamwiikimanyo, alopwana yeemenle va wira yiisuwanyeiye ni Mutthaka. Exeeni ekhanle okhumelelaka?

199 Vano, nkawehani, muhihele vasulu v’arumeyi vano. Awo ahoorwa wiisuwanyeiha mmansaya. Mwaaviraka va, mwisuwa- . . . nvarelele Ekanyeryo ohoolo wanyu, “Pwiya Yesu, koolapa itampi saka. Ntoko etthuvo, Nyuwo mookivaha opatiiso va Eroho Yowarya. Miyo ka muhokorokho othummwe. Etampi, eretta wala khiivo etthu enwerya okivara okhuma va mpakha ohoolo. Kinoorowa saana.” Nvarelele yeeyo, oh, ohoolo wanyu, nto nvire va, nto Muluku onimoovonihani ni munookhuma va mutthapaka, ootteeliwa murima, ni munookhala mukumi. Munnaamini yeeyo? [Muthukumano oniira, “Amen.”—Mol.]

200 Vano khula mutthu mu, nuuramihe muru, axinna, niry’ene vamosa. Khanisuwenle enrowa okhumelela. Khanisuwenle tu. Khiivo hata exariya ya mutthu muretta okhuma emp’ela okexuw’ola. Nvarelele Ekanyeryo eyo mmurimani mwanyu, nvire muliinyani mu mwa mavekelo, vaavo arumeyi, avaherenrye makhalelo aya wa—wa muteko, anrow’aya weemela va, ewiixaatheryakani matata okathi onvir’anyu.

Nyuwo muniira, “Xeeni muniirel’anyu yeeyo, Munna Branham?”

201 Kintthuna wira nyuwo, othene, musuwele wira paahi . . . Miyo nkihiyo mpenuxa. Atthu ala aakhalana ehaakhi yo waavekelela aretta ntoko mutthu mukina. Voohithepya, kinnaamini wira Muluku aamwaakhula mavekelo aya Owo ohinatthi waakhula awaka. Miyo kookhulumuwa ni kihooceya, ni sothene. Miyo—miyo kinnaamini wira Owo aamwaakhula mavekelo aya. Nto va awo amphwanyaneya eriyari ya yeeyo, wira yiisuwanyeihe mmansaya, oohuuleliwa muru okuxa opuro aya. Annikisivela atthu ntoko awo.

202 Vano, axinna, koosuwela moonelo anyu. Miyo ka, miyo ka mmosa a nyuwo. Miyo ka ole kiluttelenle ntthavi naka ni nyuwo, nno oTexas, wira kiphavele ophwanya khula emosa wa ihopa iyo Muluku otthomenly'awe Ekumi, iwe. Miyo kiniira voosuwela waka saana. Kiri ni nyuwo, ipursentu emiya. Imaara sikina kinnuulumela ni okhuwelela mwaha wa mutthenkeso ni itthu. Eyo khenihimya wira kirina nthowa ni nyuwo, munn'aka. Kinihimya wira kirina nthowa ni enamuna yaarowa onivalaaniha okhala axinna, mwaha wa mwiixuttiho mmosa wa etiini. Hiyo n'axinna ni opatiiso wa Eroho Yowarya. Hiyo ninvarela Ekanyeryo emosaru. Nihaakhela Ephome emosaru, tivo nrowe naamini yeeyo. Ninoowerya okumana Iwe (khaninwerya?), axinna, khula mmosa a hiyo vathi v'Ephome.

203 Vano, miyo kikhalihawe mulaleyi muPatista. Khino nyuwo mwa Mmetotista, wala Luteraano, wala Prespiteriyaano, muPentekosite, Unisista, a Onenli, a Oraaru, wala etthu p'itthu murin'anyu, Ekereja ya Muluku, enakhale-ru etthu p'itthu. Eyo kherina hata evirikanelo. Khanikhanle wiiraana vasulu va itthu iyo sikhaani, nrowe niliyale nto.

204 Etthu emosa nikhanly'ahu wiiraanaka, wira Yesu Kristu Moopoli ahu okhwenle itampi sahu, kuhihimuwa ni khunivaha Ekanyeryo. Hiyo nimphwanyaneya va ni mavekelo ahu, wira naavarele axinn'ihu ala anwereiwa ni axinna athiyana anvira muliinyani. Kinrowa waamini ni murim'aka wothene.

205 Kihooona etthu okhumelela nto. Amen. Koosuwela wira munuupuwela wira kiroovahuwa, masi kinnoona oreera okhala oovahuwa. Kinroromela wira kinoowerya okhala siisa. Ayo, mulopwana. Kinnoona oreera saana siisa.

Nivekele.

206 Pwiya Yesu, kinookhuma vaplataforma va, kirowaka vathi va, wira kiisuwanyeihe n'axinna ala. Kinniisuwanyeiha mmansaka ni yaawo, okathi othene ahu onvarel'ahu Ikanyeryo sahu mmatatani mwahu, ni mmurimani mwahu. Niiwelelaka yooruma Anyu, "owiixaatherya matata aretta, nto awo anoovona." Khula mutthu onvira va, yooniherye Ekanyeryo aya, wira awo ahaakhela Eroho Yowarya, wira awo aana a Muluku ayariwe vasya, wira annaamini ni murim'aya wothene. Nto okathi anvir'aya, etakhalihe erett'eyo ni muxankiho mw'erutthuni mwaya. Ni wira ekhume etthapaka, esuwelaka wira waamini waya ohaavoniha.

207 Nto, Pwiya Muluku, ntoko niixaathery'ahu, Waataana Wa Khalayi, matat'ahu vasulu va mukuttho, wira niisuwanyeihe mmansihu ni mukuttho, ninniixaatherya matat'ahu vasulu va Yesu ni wiisuwanyeiha ni Yoowo. Owo ooniixaatherya matata vano mwa muteko, aisuwanyeiha Mmansawe ni hiyo, ni ithooneryo ni sootikiniha. Ni hiyo nniwiixaatherya matat'ahu aretta, wira niisuwanyeihe n'awo, ni waamini wahu olupanyane



n'awo. Eretta ehaana orowa, ni erowe mwa Nsina na Yesu Kristu, okathi oneett'ahu va wira naakhele.

Muthukumano wothene ovekele.

<sup>208</sup> Roy wala mutthu arwe va eemele vakhiviru va mikorofooni ula, akhalihe iliinya soowookowa.

<sup>209</sup> Nwehe, okathi onvir'anyu va vano, murwe mwaaminiki, murwe nvekelaka. Ninrowa owiixaatherya matata aretta. Murweeke va. Nvekeleke. Mwaaviraka muliinyani n'arumeyi ala, vakhala wira muneetta n'attooto, mwaahiye vathi mweette murowaka. Mwaakhalanne-ene kankuru, eretta, mwiire, "Meetiku ohiira sothene onwery'awe wira, owo ohiira sothene aawery'awe, nto ohimye wira kihaana okhwa. Nkinrowa okhwa. Ela va Ekanyeryo aka, Pwiya. Nyuwo mukilaihenrye miyaakha miloko mithanu na miili. Miyo kinoorowa kiviraka va, kiiraka siiso." Moone, mwiire siiso. Munimwiira? [Muthukumano oniira, "Amen."—Mol.] Mwa Nsina na Yesu, ekhale siiso. Amen.

<sup>210</sup> Vaareera, muhiye eliinya evire. [Munna Branham n'arumeyi anaavekelela aretta, okathi munna oneettihery'awe muthukumano wiipaka *Waamini Paahi* ni masipo makina. Nipuro vahiithu mufiitani—Mol.]

Kinnaamini!  
Ohoverya waka wothene woovithiwa  
v'Ephattuveloni.

<sup>211</sup> Munnaamini yeeyo? [Muthukumano oniira, "Amen."—Mol.] Amen. Oh, Owo kahi ooreerexa? ["Amen."] Akina aya yaari mmoolilini mme ni mmarepani, aavenya ni aheetta erowaka; aahiya tu iyo siry'ene vale, khweetta erowaka. Oh, ti athu othene yaamuwerya ovonihiwa naanaano, onrowa waamini. Nyuwo munnaamini? ["Amen."]

<sup>212</sup> Munivahe erumelo, *Miyo Kinniphenta Owo*, munniwerya, munna; nsipo na khalayi, "Miyo kinniphenta Owo, miyo kinniphenta Owo okhala wira . . ."? Nrowe othene ninvenxerye masu ahu, ni matat'ahu, mirima sahu, Muluku, nto niipe, "Miyo kinniphenta Owo, Miyo kinniphenta Owo, okhala wira Owo t'opacenrye okiphenta miyo." Athu othene vano.

Miyo kinniphenta Owo, miyo kinniphenta  
Owo  
Okhala wira Owo t'opacenrye okiphenta miyo  
Nto oothuma woopowa waka  
oKalv- . . .

<sup>213</sup> Muhano mmosa, oovenya okhuma vakhaterani va roota, oheetta oviraka va ni mukhaliheryo w'alopwana anli. "Miyo . . ." Nrowe nimuuvele matata Muluku, "Miyo kinniphenta Owo!"

Miyo kinnimpenta Owo  
 Okhala wira Owo t'opacenrye okiphenta miyo  
 Nto oothuma woopowa waka  
 oKalvario- . . .

Nrowe nimuttotopete Yoowo vano, atthu othene!


<sup>214</sup> Avuwihwe Muluku! Moota onooxukhuru-ahuni Nyuwo Pwiya Yesu, mwaha w'oreera Wanyu murima, Mukhalelo Anyu. Oh, hiyo ninnooxukhuruni mwaha wa Ekanyeryo, Pwiya. Hiyo nihoopowa ni noosareya Eroho, Eroho Yowarya emmwareela irutthu sahu vano. Moota onooxukhuru-ahuni Nyuwo mwaha wa yeela, Tithi! Oh, mwa Nsina na Yesu ninnooxukhuruni. Amen. Amen.

<sup>215</sup> Atthu othene nvahane matata, mwiire, "Attotopeliwe Apwiya!" Nvahane matata mmosa ni mukhw'awe, mwiire, "Attotopeliwe Apwiya! Attotopeliwe Apwiya!" (...?...) Vaareera, vano, othene vamosa tho:

Miyo kinnimpenta Owo,  
 Matata osulu, mirima osulu.  
 miyo . . .

Muhimyeke eyo okhuma mmurimani mwanyu.

Okhala wira Owo t'opacenrye okiphenta miyo  
 (Munrowa olaxerya?)  
 Nto oothuma woopowa waka  
 Vamwirini w'oKalvario.

<sup>216</sup> Vano nrowe nurame muru ahu ni nttittimiho saana, kivahereryaka muteko vano wa Munna Grant wira alaxerye; amuxukhuruku khula mmosa a nyuwo. Yoopacerya, aaxukhuruku Apwiya mwaha w'oreera Waya murima, omoriwa Waya ikharari, ni olipa kinroromel'aka wira noohiya mmurimani mw'anyu, wira khanikhanle meekh'ihu. Mukhulupale ahu Muulupale ori eriyari ahu. Okhuwela wa Mwene ahu ori vapuwani. Ni ninnaaxukhuru Apwiya, woona owerya Waya wuulupale ni omoriwa Waya ikharari wuulupale. Nto vano nrowe nurame muru ni nttittimiho. Munna Grant. 

*EKANYERYO* EMK64-0308  
(The Token)

Mutthak'ola wa Munna William Marrion Branham, opaceryawene olaleeriwe ni Enkelesi Ettiminku oxekuwa, mahiku yeettaka 8 mweeri wa Março, 1964, oSoul's Harbor Temple oDallas, Texas, wAmerika, okuxiwe wo okaravariwa mufitani ya makineti khulempwa wothene ni nttaava n'Enkelesi. Otaphuleliwa nno mw'Emakhuwani okhumiheriwe ni okaiwe ni Voice Of God Recordings.

EMAKHUWA

©2022 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Olopolo mwaha wa ihaakhi sa mwaneene

Ihaakhi sothene sinnaakiheriwa. Eliivuru ila pooti otthittiwa owaani wira mutthu arumeele wala okaiwa, voohilinwa etthu, ntoko ekaruma y'olaleerya Ehapari yooreera ya Yesu Kristu. Eliivuru ila ehitemihiweke, otthittiwa eyaattelo yuulupale, oheliwa muwepisaiti, oheliwa moothukumanyiwa wira ekuxiwe-tho, otaphuleliwa ni mattaava makina, wala orumeeliwa wira ophwanyiwe musurukhu vahikhanle n'utthuniheriwa woolempwa ni Voice Of God Recordings®.

Mwaaphavelaka wiiwa-tho wala ikaruma sikina sikhanelle, xontte mulavule ni:

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)